



Secretario di
Estado Van
Huffelen ta bishita
Aruba: Kico tin riba
mesa?

ABC: "Encuesta di ATA pa localnan no ta papia di e preocupacionnan real di e poblacion"



Pagina 3

- **Caminda cera pa avion di Delta cu mester a aterisa di emergencia** *Pagina 2*

- **CBS: CPI a aumenta 0.2% den luna di februari** *Pagina 4*

- **Gobiernohunto cu Asociacion di Consulado ta firma protocol di cooperacion** *Pagina 6*

Union Europeo ta pusha cu plan pa cumpra arma pa Ucraina usando activonan Ruso



Pagina 24

Colombia: Mester inclui Clan del Golfo den dialogo di paz total



Pagina 10

Aumento den caso di dengue na Corsou



Pagina 7

Aruba tambe ta conmemora dia di Trabao Social



Dia 19 di maart ta un fecha conmemorativo na unda Aruba tambe ta uni na e celebracion di Dia Mundial di Trabao Social, esnan cu eherciendo e funcion di trahado social ta busca crea un realidad hopi mas positivo den diferente gruponan social cu ta conforma un pais.

Nan ta e personanan cu ta detecta e realidad di e comu-

nidadnan, ta busca solucion pa problemanan, pero tambe ta probecha oportunidadnan rond di dje pa haci cu famianan, bisñanan of miembronan di un conhunto social, haya un mehoracion positivo den nan realidad.

Tabata na aña 2008 ora na Asamblea Mundial na Salvador di Bahia, Brazil, unda e Federacion Internacional di Trahadonan a crea e dia aki. Nan a scoge e di tres diamars

di maart, un dia hopi celebra y respeta pa tur trahado social rond di mundo.

Nan ta e activista cu ta busca mehora e condicionnan social di un grupo di persona, den nan famia, comunidad of di henter un pais, nan trabao ta di detecta e necesidadnan of desafionan cu personanan miembro di un colectivo di interes ta enfrenta pa yuda nan haya solucion na nan

carencia.

Segun Federacion Internacional di Trahadonan Social, e tema di e aña aki pa Dia Mundial di Trabao Social ta "Buen Vivir. Un futuro comparti pa un cambio transformado," den dje ta pone enfasis riba e necesidad cu trahadonan social mester adopta enfoke innovador, lider pa comunidad, basa den sabiduria local y coexisti cu naturalesa.

Un elemento central di e cambio transformado aki ta e principio di "Biba Bon" enfatisa riba e berdadero bienestar cu por logra ora comunidadnan ta biba den harmonia cu naturalesa, enfoca riba un desaroyo ekilibra.

E dia aki ta un oportunidad pa esnan cu ta eherce e bunita labor aki pa por involucra nan mes den rednan di trabao social cu cual ta colabora pa contribui di manera conhun-

to na balornan y principionan cu ta permiti reconoce y respeta e dignidad di tur hende.

Cada aña organisacionnan di trahado internacional ta compromete nan mes di traha hunto pa influi den politicanan nacional, regional y local, accionnan di gobiernonan y pa destaca e balor y contribucion di esnan cu ta dedica na e labor aki.

Na Aruba ta existi diferente fundacion y organisacionnan cu ta componi di trahadonan social cu cada dia ta dedica nan tempo y conocimiento na esnan cu ta pasando den un momento hopi dificil, sin nan ayudo e comunidad no por bay dilanti.

Un palabra di pabien na esnan cu tur dia ta duna nan sabiduria pa Aruba tin un comunidad mas inclusivo y armonioso.

Avion di Delta Airlines a presenta problema tecnico y a ocasiona ceramento di caminda pa precaucion

Ayera atardi pa 5or aproximadamente, diferente medionan social a reporta e ceramento di caminda rond di aeropuerto, na unda a reporta un melding di un avion cu tabatin problema pa aterisa. Minutnan despues, e avion a logra baha den e pista di aterisahe sin problema, cu 171 pasahero abordo.


Segun loke reportero di Viral 297, Baboe Hoek, a informa ayera mientras e tabata presente na e luga, tabatin presencia di Cuerpo di Polis di Aruba, Cuerpo di Bombero y otronan cu a cera caminda rond di aeropuerto



pa motibonan di seguridad.

Por a compronde cu tabata trata di un avion, cual tabata pertenece na aerolinea Delta Airlines, cual tabata confrontando problemanan

tecnico. Mientras tanto, e avion tabata bulando rond di Aruba y ora e pilotonan a haya e señal 'clear', nan a logra baha cu 171 pasahero. Segun vocero di aeropuerto, ken a manda un comuni-



cado pa medionan local, a splica cu "debi na problemanan cu motor di vuelo 581 di Delta Airlines na salida di aeropuerto, AUA a activa un emergencia total y a cera temporalmente pa precaucion di

siguridad. E avion a aterisa di manera sigur y pasaheronan tabata atendi pa e aerolinea, ta bay somete e aeronave na un inspeccion profundo di parti di autoridadnan." a

Utilidad, gasolin y diesel cu aumento di 1.6% den prijs na februari 2024

Oficina Central di Estadistica ta presenta e resultadonan principal di e Indice di Prijs di Consumo (CPI) pa luna di Februari 2024. Den esaki, a nota cu aumento di prijs di gasolin na februari 2024 a causa un efecto di 0.24 ppt riba e CPI.

Prijs di utilidad (electricidad y awa), gasolin y diesel ta wordo determina primordialmente door di e prijs internacional di petroleo. Na Februari 2024 e prijs promedio pa bari di petroleo (US\$

76.93) a conoce un subida di US\$ 3.37 (4.6%) compara cu Januari 2024 (US\$ 73.56).

Prijs di electricidad y di awa no a cambia compara cu Januari 2024.

Consecuentemente, e prijs promedio di electricidad pa vivienda a keda Afl. 274.57, mientras cu e prijs promedio di awa pa vivienda a keda Afl. 168.73.

Prijs di gasolin a registra un subida di Afl. 12.50 cent (5.4%) na Februari 2024 y a causa un efecto di 0.24 ppt

riba e CPI. Prijs di diesel a registra un subida di Afl. 14.20 cent (6.6%) na Februari 2024 y a causa un efecto di 0.02 ppt riba e CPI.

Na Februari 2024, utilidad, gasolin y diesel como grupo, tabatin un subida di prijs di 1.6% compara cu Januari 2024 y hunto tabatin un influencia di 0.26 ppt riba e CPI, mientras cu e restante 404 bienes y servicio hunto, a conoce un caida leve di prijs di 0.02% y tabatin efecto un efecto di -0.02 ppt riba e CPI.

Tabel 9 Efecto di bienes y servicjonan cu ta depende di prijs di petroleo riba e CPI di Februari 2024

Categoria	Peso	Mensual		Anual	
		Cambio	Efecto	Cambio	Efecto
Electricidad	810.2	0.0	0.00	-6.8	-0.57
Gasolin	430.5	5.4	0.24	-6.5	-0.33
Awa	367.3	0.0	0.00	0.0	0.00
Diesel	30.2	6.6	0.02	-12.5	-0.05
Total di grupo	1,638.1	1.6	0.26	-5.2	-0.94
Restante bienes y servicio	8,361.9	-0.02	-0.02	2.3	1.86
CPI	10,000.0	0.2	0.24	0.9	0.91

Source: Central Bureau of Statistics Aruba

Aruba Birdlife Conservation

“Encuesta di ATA pa localnan no ta papia di e preocupacionnan real di e poblacion”

Recientemente, Oficina di Turismo (A.T.A) ta realisando un encuesta enfoca riba sentimento di comunidad pa loke ta trata industria turistico, nan ta encurasha comunidad di Aruba pa por duna nan opinion tocante e topico aki, sinembargo, Aruba Birdlife Conservation (ABC) ta un NGO cu tambe ta treciendo e topico di crecimiento di turismo y construccion di hotelnan na Aruba y a reacciona riba esaki.

ABC a tuma contacto cu Bon Dia Aruba pa trece dilanti nan reaccion di loke ta trata e encuesta aki caminda nan ta segura cu “e encuesta aki ta carece di profundidad y di e problemanan critico cu ta afecta na nos como residentenan di e isla aki.”

Ademas, a expresa cu “e encuesta ta parce di ta diseña pa pinta un imagen mas positivo di loke ta trata expansion di turismo, sin aborda e preocupacionnan real di e poblacion local cu ta esun cu ta carga e mentalidad di crecimiento interminable di industria turistico di Aruba.”

Nan ta cuestiona cu e encuesta “no a aborda e cuestion di desaroyo hotelero cu detayenan suficiente y significativo, e tema di “No More Hotels,” cu ta un opinion cada dia mas grandi entre e localnan lo a mester ocupa e centro di encuesta, y preguntanan como e number aceptable di cambenan di hotel adicional for di e perspectiva di e localnan, sea 3.000, 5.000, 9.000 of incluso 15.000 tabata ausente notablemente.”

Tampoco a trece dilanti e im-



pacto di esaki den e beachnan, cu ta consumi pa ampliacionnan hotelero, “comprometiendo nos privacidad y nos acceso, tambe no a tuma na cuenta e sentimiento riba e cantidad di man di obra stranhero, cu cifranan entre 10.000 y 75.000 y nan implicacion pa nos comunidad.”

Ademas, ABC ta indica cu e encuesta no a explora loke turistanan ta critica riba e tema aki riba rednan social,

“no ta conoci e posicion di comunidad riba e limitacion di yegada di turistanan pa preserva e calidad di bida di e isla (sea 1 miyon, 1,5 miyon of mas), tampoco a trece dilanti e debate entre balora cantidad riba calidad den turismo, e preferencia di turistanan di alto balor riba esnan di gran volumen y e limitenan, por ehemplo, na e number di crucero permiti pa aña.”

E encuesta a lubida e realidad diario pa loke ta trata e trafico riba e isla y no a cuestiona e cantidad di tempo cu localnan ta dispone pa sacrifica den trafico.

Impacto ambiental di turismo di aventura y e multiplicacion sin control di vehiculonan UTV, “potencialmente sanciona pa nos politica turistico, ta plantia un preocupacion serio riba e sostenibilidad di nos paisahenan natural, ademas mester examina detayadamente e transformacion silencioso di propiedadnan residencial pa vacation rentals di parti di inversionistanan

stranhero, cu ta eleva e costo di bida di hendenan local, pa loke ta trata acceso pa vivienda, e impacto di Airbnb den e prijsnan local di vivienda y e aumento creciente di cuminda no ta un tema cu a profundisa manera mester ta.”

Igualmente, ABC ta señala cu tampoco a plantia si e benefician economico di turismo ta comparti di manera igual entre residentenan of si e poblacion di e isla awor ta sirbiendo industria turistico, no a tene na cuenta e implicacionnan cultural di turismo na unda cu na medida cu localnan ta birando un minoria den nan mesun tera, ekilibrio y preservacion di patrimonio cultural di Aruba, ta den wega, “e naturalesa selectivo di e preguntanan plantia den encuesta ta genera resultadonan cu no ta logra capta tur e sentimiento local pa loke ta trata expansion di turismo.”

Pa ABC ta evidente cu ta necesario un enfoque mas integral, manera nan como NGO ambientalista ta sugeri, “pa midi di manera real e impacto

di turismo den comunidad di Aruba, pa papia di preocupacionnan cu nan como NGO a expone den un carta habri proporcionando ideanan cu di berdad ta beneficia e residentenan, specialmente e muchanan, na lugá di atende interesnan di desaroyadonan y industria turistico den general, e obhetivo lo a mester ta fomenta den un ekilibrio sostenible cu lo respecta e necesidadnan di sector turistico como di e bienestar di e poblacion local.”

Pa nan ta importante pa haci e siguiente pregunta: A bo tin e libertad di comparti bo opinion contra industria turistico? Cuanto hende no a haya menasa of ta censura di un of otro forma?” E ora ey ABC ta bolbe puntra, “kico nos sector turistico ta purba di midi cu e encuesta aki?”

Pero esaki no a hala atencion solamente di ABC, sino di algun estudiante di turismo e cual a laga su mensahe riba rednan social “si algun biaha b’a yega di sinti rabia of impotencia pa loke ta trata desaroyo excesivo di industria di turismo y e sufrimento cu a causa na nos tera, medio ambiente, cultura, vivienda y calidad di bida di e localnan, mi ta pidi bo pa tuma 5 minuut y yena e encuesta aki,” ademas el a laga e siguiente mensahe: “Mi lo kier conoce mi isla ora finalmente a mi lo bin back for di stranhero.”

Encuesta “Laga Bo Voz Resona” ATA a sigura cu dirigi pa hendenan local di Aruba manera nan ta sigura caminda lo explora con turismo ta causa impacto tanto na e isla como den hende, sea directamente of indirectamente.

E resultado lo sirbi como parti di e strategia di A.T.A. y como un conseho na diferente stakeholders den e industria.

Na october di aña pasa, ATA tambe a realiza un encuesta amplio pa evalua e sentimiento di bishitantenan, encuesta tabatin como meta pa midi e sentimiento di bishitantenan, y tambe pa obtene un miho bista tocante nan experencia riba e isla y si esaki tabata cuadra cu nan expectativa.

AHATA: Februari tabata un luna druk

Aruba Hotel & Tourism Association (AHATA) ta acumula e cifranan di ocupacion y prijs di hotelnan tur luna y Presidente & CEO di AHATA, Tisa LaSorte, ta anuncia cu Februari tabata un luna cu ocupacion y RevPAR halto. Februari normalmente ta e luna mas fuerte di henter aña.

Februari 2024:
 Ocupacion: E grado di ocupacion tabata 91%; cual ta 9% mas cu grado di ocupacion na Februari 2023 y 1% menos cu 2019.
 ADR: E balor averahe di cada camber bendi tabata \$441.42; un aumento di 4% compara cu Februari 2023.
 RevPAR: E entrada averahe pa tur camber disponibel tabata \$400.93 cual ta 13% mas cu na 2023 y 19% mas cu na 2019. RevPAR ta e indicador di e resultado financiero prome cu desconta gastonan operacional y impuesto.
Januari – februari 2024:
 Ocupacion: E ocupacion

averahe di prome 2 luna di aña tabata 88%; un aumento di 6% compara cu e mesun temporada na 2023 y 3% menos cu e mesun temporada na 2019.
 ADR: E balor averahe di cada camber bendi tabata \$433.05; cual ta 3% mas cu e mesun temporada na 2023.
 RevPAR: E averahe di prome 2 luna tabata \$382.09; 9% mas compara cu e mesun temporada na 2023.

Proyeccion:
 Proyeccion actual pa ocupacion averahe di hotel pa Maart ta 90%, April ta 85%, y pa Mei ta 77%.
 E expectativa pa aña 2024 su ocupacion averahe ta 80.7%, cual ta representa un aumento di 3% compara cu e averahe di 2023 y un reduccion di 5% compara cu e averahe di 2019.
Timeshare:
 Ocupacion na propiedadnan Timeshare tabata 93% na Februari 2024.



CBS: CPI a aumenta 0.2% den luna di februari

Oficina Central di Estadistica ta presenta e resultadonan principal di e Indice di Prijs di Consumo (CPI) pa luna di Februari 2024.

E CPI pa luna di Februari 2024 ta 108.57, loke ta representa un subida di 0.2% compara cu e indice di januari 2024 (108.31).

E cambio di e CPI pa e ultimo diesdos (12) lunanan (Februari 2023 te cu Februari 2024) ta 0.9%, un caida di 6.2 punto di porcentahe (ppt) compara cu e periodo corespondiente di aña pasa (7.1%).

E promedio anual (ultimo 24 luna) di e tasa di inflacion pa e periodonan di Februari 2021 te cu Februari 2022 y Februari 2023 te cu Februari 2024 ta 2.4%, un caida di 3.7 ppt compara cu e 6.1% registra den e periodonan di Februari 2020 te cu Februari 2021 y Februari 2022 te cu Februari 2023.

Durante e luna aki, cinco (5) di e diesdos (12) sectornan a registra subida di prijs. E subidanan cu tawata tin e mayor efecto riba e CPI a wordo registra pa e sector-

nan di “Transporte” (2.5%), “Paña y sapato” (5.1%) y “Mobilierio” (1.2%), causando un efecto di respectivamente, 0.31, 0.11 y 0.11 ppt. E subidanan den e restante sectornan a contribui cu un efecto di 0.03 ppt riba e CPI di Februari 2024.

E subidanan aki a wordo contraresta parcialmente door di principalmente un caida den e indice di e sector di “Recreacion y cultura” (-1.4%) cu a contribui cu un efecto di -0.13 ppt riba e CPI di Februari 2024. E caidan den e sectornan restante a contribui cu un efecto di -0.20 ppt riba e CPI di Februari 2024.

E subida den e sector di “Transporte” a wordo causa principalmente door di un subida di 4.0% den e categoria “Gasto relaciona cu uso di vehiculo di transporte personal”, causando un efecto di 0.31 ppt. E subida den e sector di “Paña y sapato” a wordo causa principalmente door di un subida den e categoria “Paña” (4.2%), causando un efecto di 0.07 ppt. E subida den e sector di “Mobilierio” a wordo causa principalmente door di subidanan di 5.8%

y 3.3% den e categorianan “Aparato pa uso domestico” y “Bienes y servicio pa manencion ordinario di cas”, causando un efecto cada uno

di 0.14 ppt. E caida den e sector di “Recreacion y cultura” a wordo causa principalmente door di caidan den e categori-

anan “Vacacion” (-3.0%) y “Corant, buki y papeleria” (-17.5%), causando un efecto di respectivamente, -0.08 y -0.07 ppt.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstrop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Secretario di Estado Van Huffelen ta bishita Aruba: Kico tin riba mesa?

E siman aki, Secretario di Estado pa Relacionnan di Reino, Alexandra van Huffelen ta bishita Aruba, ademas di Corsou y Sint Maarten. Segun un publicacion riba website di gobierno Hulandes, e bishita ta consisti pa gran parti di e firma di e Acuerdo Mutuo di Colaboracion den Reforma (Onderlinge Regeling Samenwerking bij Hervormingen).

Den e marco aki, e Secretario di Estado ta bay tene combersacion cu premier y ministernan tocante e colaboracion, ehecutacion y progreso di e Landspakket. E bishita di e Secretario di Estado a cuminsa ayera cu su yegada na Aruba, unda e tabatin un combersacion planea cu premier Evelyn Wever-Croes tocante e Acuerdo Mutuo di Colaboracion den Reforma y e fondonan di inversion. Tambe riba agenda tin un combersacion cu minister di Finanzas, Xiomara Maduro, tocante impuesto.

Kico e Secretario di Estado ta negociando cu Prome Minister di Aruba?

Loke tin riba mesa pa basta tempo ta e Ley di Reino pa Supervision Financiero pa Aruba, RAft. E ley aki ta duna Hulanda r mesun autoridad pa supervisa finanzas – esta entrada y gasto – di gobierno di Aruba, cu actualmente ta hinca den e ley di supervision di Aruba (LAft), aproba na december 2023. Mal manejo financiero na Aruba ta un problema cu ta bay back decadas cu consecucionan devastador. Tempo di pandemia, ora Aruba a haya su mes sin reserva di placa pa por implementa programanan di ayudo pa nos poblacion ni tampoco cubri gobierno su propio gastonan, Hulanda a ofrece Aruba un prestamo hopi favorable – ademas di ayudo humanitario. E condicionnan favorable di e prestamo tabatin condicionnan mara na nan, entre otro e introduccion di e RAft. E RAft ta inclui normanan presupuestario, es decir, reglanan riba presupuesto di Aruba, cu tin como meta pa regula gasto innecesario, baha debe di Aruba, y reforsa e sostenibilidad di finanzas di nos pais. Hulanda ta exige esaki como un garantia cu Aruba ta responsable cu su finanzas y cu lo por paga back e prestamo



na Hulanda. Pa Hulanda, e hecho cu no tin un RAft ta un factor di riesgo, di manera cu nan ta cobra un interes mas halto riba e prestamo pa minimisa e riesgo aki. E riesgo ta cu segun Hulanda, e ley di Aruba por ser cambia pa Parlamento di Aruba, sin cu Hulanda ta ser consulta previamente.

A pesar cu a acepta e condicionnan di e prestamo cu interes abao durante pandemia, despues cu e crisis a pasa y Aruba a cuminsa recupera financieramente, Aruba a boltar y a dicidi pa no cumpli cu e acuerdo pa introduci e RAft. Gabinete Wever-Croes y Parlamento, di mayoria MEP, ta di opinion cu e RAft ta mina autonomia di Parlamento, ya cu ta e organo aki tin e tarea di supervision financiero. Esaki no ta corecto pasobra den e ley local (LAft) tambe ta Gobierno di Reino ta e organo supervisor, unda e colegio di supervision CAft ta duna consoho na Gobierno di Reino. Esaki ta asina desde 2015 tempo a aproba e ley LAft, ya cu esaki tabatin e mesun contenido pa e supervision cu e ley di supervision pa Corsou y Sint Maarten. Na su turno awor e ley RAft proponi pa Hulanda lo tin e mesun contenido cu e ley LAft di Aruba, y ta inclui e mesun norma presupuestario y otro condicionnan.

E diferencia entre un ley di Reino y un ley local ta cu Aruba por cambia su leynan na cualkier momento cu dicidi – algo cu a yega di sucede caba cu e ley local di supervision financiero na 2019. Esaki ta pone, segun palabranan di e Secretario di Estado, cu Hulanda no por confia cu

Aruba ta bay tene su mes na e palabracionnan poni den e LAft. Y si nos tene cuenta cu e hecho cu Aruba ya caba a kibra e acuerdo haci den pandemia relaciona cu supervision financiero, e posicion di Hulanda riba esaki ta comprensible.

Igualmente, a keda demostra cu Parlamento no por carga e responsabilidad financiero. Manera Bon Dia Aruba a menciona na varios ocasion, Parlamento no ta cumpli cu nos propio leynan financiero. Entre otro, por menciona cu ley ta indica na ki fecha mester entrega presupuesto; sinembargo, presupuesto frecuentemente ta laat. Tambe segun nos propio Constitucion, mester entrega un cuenta anual, y nos gobierno historicamente tampoco ta cumpli cabalmente cu e requisito aki.

Sinembargo, Gabinete Wever-Croes y mayoria di Parlamento ta insisti cu un RAft no ta necesario, y ta dispuesto pa carga e consecuencia.

Kico ta e consecuencia di no introduci e RAft? Manera menciona caba, e RAft tabata un condicion pa ricibi interes abao pa e prestamonan tempo di pandemia. E consecuencia di no acepta e RAft ta cu Aruba tin cu paga interes halto pa e prestamo aki. Y ta pueblo di Aruba ta esun cu tin cu carga e peso di e decision aki. Opcionnan cu Aruba tin ta hopi limita, ya cu hasta si Aruba dicidi di laga Hulanda afo y financia riba mercado, no lo ta posible pa haya e interes asina abao cu Hulanda lo duna si Aruba introduci e RAft.

Mientras cu e negociacionnan aki ta andando, pueblo di Aruba tin cu paga alrededor di Afl. 30 miyon extra pa aña. E 30 miyon florin aki ta hopi necesario actualmente entre pueblo di Aruba, principalmente si tene cuenta cu e aspectonan social – manera pobresa, salud mental, y salud general – cu mester di atencion y cu a sufri recortenan. Tambe lo por inverti e placa den sector di cuida di anciano, cu tambe ta birando un crisis cu mester atencion urgente. Lo por mehora caretera, cu pueblo ta sclama dia pa dia mester di atencion, of lo por inverti den mehora e planta di procesamiento di awa, RWZI na Bubali, cu tambe ta den un situacion precario. Lo por inverti den scol, den tra'i merdia, den subsidio; y por analisa si por baha algun di e cantidad di impuesto cu a aumenta y ta poniendo un peso enorme riba nos pueblo. E escogencia aki ta keda na gobierno, sinembargo, ta pueblo tin cu carga e consecuencia.

Kico por spera di e bishita di Secretario di Estado?

Loke por spera ta cu e negociacion ta continua. Te unda cu Bon Dia Aruba por mira, y segun e declaracionnan di e Secretario di Estado mes, no tin hopi progreso riba e negociacion. Maske prome minister ta insisti cu e negociacionnan ta continua y ta bayendo bon, comienso di luna, ministerio di Asunto Interno y Asunto di Reino a confirma cu no tabatin desaroyo a pesar cu e combersacionnan ta continua. Kiermen no a yega na un acuerdo, ni tin un solucion riba mesa. Tampoco a mira mucho progreso den Parlamento riba e tema aki – no publicamente, al menos – cu por indica cu ta bay tin algun disposicion pa resolve e impasse cu Hulanda. Mientras tanto, pueblo ta keda paga.

Ta keda na pueblo awo pa dicidi si nos mes ta considera cu nos kier sigui paga 30 miyon florin pa aña simplemente pa Hulanda supervisa nos finanzas di tur manera. Y si nos dicidi cu no ta vale la pena, ta ora pa nos cuminsa acerca nos parlamentarionan – e supuesto representantenan di pueblo – pa laga nan sa cu ta ora pa acepta e RAft.

Gobierno hunto cu e Asociacion di Consuladonan ta firma un protocol di cooperacion

Diaranson 13 di maart 2024, Asociacion di Consuladonan di Aruba hunto cu Ministerio di Integracion a yega na un protocol di cooperacion pa por brinda un plataforma di apoyo y guia sincero y honesto na tur esnan cu kier haci un bida na Aruba.

Cu e protocol aki, e Consuladonan na Aruba lo duna asistencia na esnan cu kier regula nan estadia na Aruba, of na esnan cu kier pidi un extension di nan permiso, of saca un prome permiso. Pues basicamente e Consuladonan lo asisti tur hende di nan respectivo pais cu nan peticionnan di permisologia. E protocol aki lo sigura cu e proceso aki lo sosode via un canal legitimo.

Minister Glenbert Croes a expresa di ta sumamente agradecido na tur e consuladonan na Aruba pa e cooperacion aki, mirando cu den pasado, hopi hende a wordo



abusa cobrando sumanan cu-antioso pa por saca permiso sin cu nunca a haya esaki. A traves di e Consuladonan, es-aki lo ta e plataforma di apoyo humano y honesto pa brinda



asistencia na nan respectivo comunidad. Y pa e comunidad cu no tin un representacion Consular na Aruba, nan por yega cua Consulado cu ta y nan lo ricibi e asistencia aki.

E mandatario a indica di a hiba un combersacion cu un di e consulnan cu tin un trayectoria largo riba Aruba y el a expresa na su persona cu den tur su 40 aña na Aruba, nunca a yega di bin na un protocol asina. P'esey e dia aki, 13 di Maart 2024, ta un

dia historico cu legitimidad, y esaki ta trece cune un sentimiento di satisfaccion pa sa cu e Gobierno aki, por a yega na dicho protocol di cooperacion cu un plataforma di apoyo pa tur esnan cu di un manera honesto kier residencia na Aruba.

E protocol di cooperacion aki a wordo seya riba e fecha di 13 di maart 2024, cu firma di minister di Integracion Glenbert Croes y firma di e Asociacion di Consuladonan.

Minister Arends ta consulta cu pueblo tocante derecho di naturalesa

Nos Naturalesa frecuentemente a wordo trata como un simpel mercancia, un obheto pa ser usa na nos conveniencia pa ganashi economico. Accionnan humano a pone cu nos medio ambiente awe ta na un punto unda ecosistemanan cu nos ta depende ariba no por funciona manera antes.

Durante un conferencia di prensa, Minister di Naturalesa, Sr. Ursell Arends a duna di conoce e siguiente paso pa introduci e proposicion di ley di Derecho di Naturalesa den Aruba su constitucion.

E legislacion aki ta un paso historico pa reconoce dos derechonan interconecta y fundamental:

- *E derecho humano pa un ambiente limpi, saludabel y sostenibel,
- *y e derecho di naturalesa su mes, tanto riba tera como bou awa, pa conservacion, restauracion, y regeneracion.

Reconociendo e derechonan di naturalesa, Ministerio di Naturalesa ta afirma cu naturalesa no ta un obheto pa ser mal usa, pero un suheto bibo cu derecho inherente.



E reconocimiento aki ta percura pa un base fuerte pa e instrumento legal necesario pa proteha Aruba su herencia natural.

“E caminda pa sigura un futuro sostenibel ta uno cu nos tin cu cana hunto. P'esey Ministerio di Naturalesa ta invita cada ciudadano pa participa den un proceso di consulta.

Bo pensamentonan, sugerencianan y comentarionan no ta solamente di balor, nan ta esencial,” Minister Arends ta remarca. Feedback lo wordo considera cuidadosamente y por causa cambio vital den e proposicion di ley di Derecho di Naturalesa, mientras e ta canando su caminda legislativo formal y presenta na Raad van Advies.

Ministerio di Naturalesa ta invita comunidad henter pa bishita e website di Publico.aw unda cu por lesa e proposicion di ley den e tab di consulta. E formulario por wordo yena anonimamente, asina fomentando un dialogo transparente.

E formulario lo ta disponibel di 14 di maart te cu dia 4 di

april 2024 pa ricibi feedback. Pa cualkier pregunta por e-mail naturalesa@gobierno.aw.

Tambe e ministro a duna di conoce cu lo conduci dos anochi informativo unda comunidad por haci preguntanan, cera conoci cu e proposicion di ley y participa activamente den e discusion.

E fechanan ta lo siguiente, diaranson 27 di maart na MFA Savaneta di 6:30 PM te cu 7:30 PM y diahuebs 28 di maart na MFA Paradera, di 6:30 PM pa 7:30 PM.

Minister Arends su compromiso pa incorpora Derecho di Naturalesa den Aruba su constitucion ta señalisa e promesa di Aruba pa ser un lider global como defensor di Naturalesa. Tambe a subraya e principionan poni dilanti di number 16 di e Metanan Mundial pa Desaroyo Sostenibel (SDG 16), cu ta boga pa sociedadnan inclusivo, husticia pa tur, y creacion di institucionnan efectivo y responsabel. E principionan aki ta guia nos caminda pa un coexistencia harmonioso cu naturalesa.

Hulanda:

Conseho di salud ta bisa cu inteligencia artificial por yuda cu mamogram

(NLTimes) — Hende muhe hayando screening pa cancer por descubri pronto cu inteligencia artificial (AI) ta ser usa pa analisa e imagennan. E tecnologia por yuda haya mancha sospechoso y tu-

mor, segun un investigacion publica pa e conseho di salud Hulandes e siman aki.



E conseho ta bisa cu AI ta riba un nivel similar pa humano ora ta trata di analisa e imagennan. Actualmente tur mamogram ta ser observa pa al menos dos radiologo. Si AI por filter imagennan cu no tin abnormalidad, e lo nifica cu menos caso mester radiologonan pa analisis. E ora e radiologonan por controla solamente e areanan sospechoso ora AI identifica e casonan medicamente cuestionable.

AI tambe por yuda identifica hende muhe cu tin mas riesgo pa desaroya cancer di pecho. Algun hende muhe por haya screening mas frecuente, mientras cu otro nan

lo haya screening menos frecuente, e conseho a bisa. Como cu AI ta mehora rapidamente, e conseho ta kere cu ta beneficioso pa considera usando esaki pa e encuesta di poblacion.

Hopi hende muhe ta keha di dolor durante un examen di

pecho. E conseho ta bisa cu no tin un test cual ta actualmente disponibel pa usa cu ta mesun efectivo, mientras causando menos dolor. Nan motibo ta cu otro “tayonan di compresion” por haci e imagen menos claro, cual por resulta den un mal diagnosis.

Aumento den cantidad di caso di dengue na Corsou



(CuraçaoChronicle) – Tin un aumento substancial den casonan di dengue na Corsou, manera reporta pa ministerio di Salud. Pa fin di januari, a confirma un total id 31 caso di dengue y un caso di chikungunya. Un aumento den demanda pa test di laboratorio y un aumento den casonan similar na dengue reporta pa dokternan di cas ta indica cu e malesanan aki ta circulando y a cuminsa plama, di manera significante, segun e ministerio.

Desde november di 2023, e ministerio a inicia un campaña di informacion riba dengue pa publico relaciona cu e prevencion di infeccion di dengue. Actualmente dengue ta plamando na varios pais. E campaña ta inclui inspeccion intensivo pa elimina criadero pa e sangura cu ta causa dengue.

Desde januari ultimo tin un aumento di infeccion di dengue na Corsou pa motibo di e falta di yobida den ultimo cuatro siman. Casonan severo di malesa, morto di dengue y hospitalisacion por pone un peso pisa riba comunidad. Pa e motibo aki, cuminsando dia 15 di maart, e ministerio a cuminsa distribui pamfleta y comunicado di prensa na e publico relaciona cu sintoma alarmante y eliminacion di criadero di sangura.

Ta informando turistanan via CHATA y aeropuerto CAP. Tambe a anuncia cu ta bay tin un conferencia di prensa proximo dialuna.

Dokter y otro profesional medico a ricibi informacion di e ministerio cu actualisacion riba e sintoma di e malesa y su transmision. E departamento ta spera di ricibi informacion mas preciso tocante e casonan di dengue a traves di nan propio departamento y laboratorio como tambe for di CMC.

Finalmente, ta enfatisa cu tin un campaña di limpieza a gran escala planea pa colecta desperdicio di hogar y elimina desperdicio na espacionan publico. Esaki ta rekeri colaboracion entre autoridadnan local, organisacion di comunidad, y gruponan boluntario. E proyecto aki ta bay keda desaroya dentro di algun siman, segun e plan.

EXECUTORIALE VERKOOP (AUCTION)

PONTON 115 & 117

een perceel eigendomsgrond, **20.668M2**, gelegen te Ponton in Aruba, kadastraal bekend als Eerste Afdeling Sectie K nummer 197.

Inzetprijs: Afl. 2.000.000;
Onderhandse biedingen niet mogelijk.

De openbare verkoop vindt plaats
eerst bij opbod en vervolgens bij afmijning op;

27 maart 2024, om 10:00 uur

ten overstaan van notaris mr. **C.M.A. Helmeyer**, notaris in Aruba,
in het auditorium van de Kamer van Koophandel en Nijverheid
aan de J.E. Irausquin Boulevard 10 in Aruba.

De veilingvoorwaarden zullen uiterlijk 8 dagen voor de verkoopdatum
beschikbaar zijn op het kantoor van Notaris Helmeyer.

Notariskantoor Helmeyer

Elleboogstraat 11-13

Tel: 280-2020 / WhatsApp: 699-2820

veiling@notarishelmeyer.com / auction@notarishelmeyer.com

www.notarishelmeyer.com

Lansamento di Florin Caribense ta dia 31 di maart 2025

(CuraçaoChronicle) – Ta bay lansa Florin Caribense dia 31 di maart 2025, segun Banco Central di Corsou y Sint Maarten (CBCS). E banco a delinea un cronograma indicando te na ki momento lo por haci pago cu e moneda bieu, e Florin Antiano.

Te cu dia 30 di juni 2025, ta bay ta posible pa haci pago cash cu e moneda bieu. Dia

31 di maart 2026 ta bay ta e ultimo dia pa cambia e placa na e banconan mayor riba e islanan. Trinta aña despues, dia 31 di maart 2055, ta bay ta e ultimo dia pa cambia esaki na Banco Central, manera reporta pa CBCS.

E codigo representando e moneda nobo ta bay cambia di ANG pa XCG. “E cambio den e unidad monetario no ta bay afecta su balor. Un ANG

ta bay keda igual na 1 XCG,” CBCS ta declara. Adicionalmente, e tasa di cambio cu dollar tampoco ta bay cambia, a menos cu e tasa actual fluctua.

Hende no mester preocupa cu e costo di bida ta bay aumenta pa motibo di introduccion di e Florin Caribense. Segun CBCS, esaki no ta bay afecta prijs na supermercado.



Han van Midden nombra Secretario di Colegio di Supervision Financiero



(CuraçaoChronicle) – Han van Midden ta bay keda nombra como Secretario di Colegionan di Supervision Financiero den Caribe for di dia 15 di juni. E secretario nobo actualmente ta alcalde di municipalidad di Roos-

endaal. Anteriormente, el a fungi como gemeentesecretaris na municipalidad di Rotterdam.

Van Midden a studia Administracion di Negoshi na Erasmus Universiteit Rotterdam.

E Colegionan di Supervision Financiero tin meta pa logra finanzas publico sostenible conhuntamente cu e administracionnan di Aruba, Corsou, Sint Maarten, Bonaire, Sint Eustatius y Saba. E Colegionan ta busca pa haci un contribucion positivo pa bon gobernacion, prosperidad y bienestar di e poblacion di e islanan. E secretario ta duna sosten na e colegionan den esaki, ta dirigi e secretariat, y ta duna conseho riba asuntonan substantivo y strategico.

Lidewijde Ongering, presidente di Colegionan di Supervision Financiero, a bisa: “Han a demostra den su posicionnan anterior cu e ta motiva pa interes publico. E ta un lider cu experiencia kende ta acerca otronan cu un actitud social y mente habri.”

Han van Midden ta bisa cu e ta honra di keda nombra como Secretario di e Colegionan di Supervision Financiero. “E colegionan tin un rol social importante pa tur participante dentro di nos Reino. Cu gran placer, mi ta

bay dirigi e organizacion cu ta sostene e colegionan aki cu pasion y energia. Mi ta anticipa pa conoce mi colegionan nobo y forma un team fuerte y placentero cu nan.”

E nombramento aki na un posicion ABD a ser haci a traves di e proceso di seleccion y reclutamento di e Colegionan di Supervision Financiero. Parti di e reclutamento y seleccion pa e nombramento aki tabata conduci pa Directorado General pa Servicio Publico y Administracion, y e ministerio di Asunto Interno y Relacionnan di Reino.

Condena di prison condicional pa fayo di presenta documento di impuesto



(CuraçaoChronicle) – Diabierna, cinco ehecutoivo di diferente compania a keda condena cu prison condicional variando di 2 pa 4 luna, cu un periodo probacional di tres aña, pa motibo di entrega aangifte di winstbelasting.

Corte a dicidi cu dentro di un periodo especifica, nan mester entrega tur nan documento di impuesto, incluyendo esnan pa periodonan pa cual ya nan a

ricibi un evaluacion di impuesto.

Durante e periodo probacional, nan mester entrega tur aangifte y pagonan acompañaante na tempo, y si nan cumpli cu e condicionnan aki, nan no lo mester sinta nan castigo. Durante e huicio, a bira cla cu varios compania tabatin debe di impuesto significativo, variando di ANG 100mil te mas cu 1.5 miyon. OM a exigi pa tambe paga back e debenan aki completamente durante e periodo

probacional, siguiendo declaracionnan recien di minister di Finanzas den Comité Central relaciona cu privilegio di impuesto pa cierto individuo.

Sin embargo, e hues a dicidi cu e individuonan condena mester yega na un arreglo di pago cu Ontvanger dentro di un periodo cortico di tempo y tene na dje. El a enfatisa cu cualkier problema cu Ontvanger ta responsabilidad pa e minister resolve.

E individuonan condena a declara nan intencion pa cumpli cu e condicionnan specifico, pero a expresa preocupacion tocante e consecucionan potencial di un record criminal, specialmente pa biahe internacional, manera pa Merca. E ultimo dos caso a involucra defensa tecnico di abogado di e acusadonan, cual OM a oponer. E corte ta bay duna un veredicto riba esaki dia 20 di maart.

TESTIMONIO DI AGRADECIMIENTO

TESTIMONIO DI FELICIDAD DANKI NA MAESTRO BENJAMIN



Danki Maestro Benjamin. Mi nomber ta Jolanda Tromp. Mi ta bai conta full Aruba mi storia. Ami tawata un señora hopi saludabel y hopi felis pero na 2020 mi a cuminsa sufrir di hopi dolor y mi tawata keda sin rosea. Prome mi a kere cu mi tawatin Covid pero a resulta cu no tawata Covid. Un dia un familiar a bisami pa mi no sufrir mas mi mester yama Maestro Benjamin pa e bisami di biaha kiko mi tin. Di biaha mi a yama Maestro Benjamin y mi a traha un cita. Den solamete 2 dia Maestro Benjamin a check mi y door di e resultado di su man nan e la haya sa cu mi a bira victima di bruheria y cu mi bisña a hasi esaki pami. Tur e dolor di curpa y e falta di rosea cu mi tawatin tawata resultado di e bruheria cu e bisña a hasi pami y mi famia. Danki na Maestro Benjamin cu den menos di 4 dia e la saka tur e malo di mi curpa y mi ta sinti un mohe nobo y cu hopi salud. Ya nada mas no ta hasi dolor y mi ta hala rosea hopi bon atrobe. Mi kier duna e testimonio paso Maestro Benjamin ta autentico y ta un maestro di berdad cu si sa di e trabao y ta cura hende di su curason. Yama y traha bo cita pa abo tambe bira felis atrobe manera ami a bira danki na Maestro Benjamin.

Yama awe mes na 6414186

641.4186

LOTTO 5 Cuminsando cu 4 florin, bo por gana e suma grandi aki

Afl. **130.000,-**

Obtenibel na cualkier rebendado di Lotto. sorteo ta awe nochi 7:45 pm

HUNGA AWO

LOTO

Corte: Hulanda no por deporta ciudadanonan tercer-pais cu a yega di Ucrania

(NLTimes)—E ciudadanonan tercer-pais cu a huy di Ucrania pa Hulanda despues cu Rusia a intensifica su invasion di e pais ey no por ser simplemente deporta for di Hulanda, segun un huicio di corte publica diamars. E corte a determina cu e hendenan aki, ken no tin ciudadano Ucrainiano, tin derecho pa proteccion temporario pa e mesun duracion cu tur otro persona sin hogar cu ta bibando legalmente na Ucrania ora e invasion a sosode.



E corte a haya cu dos di e tres individualnan cu a entrega e caso ta originalmente di Algeria, y e tercer di Ghana. Nan tabata bibando na Ucrania cu un permiso di residencia temporario ora Rusia a expande su guera den februari 2022. Despues cu nan a scapa, nan a haya proteccion den Hulanda, y por a biba, traha y studia eyan.

E proteccion mester a vence dia 4 di maart, Raad van State e dicidi januari. E corte administrativo mas halto den Hulanda a bisa cu e ciudadanonan tercer-pais por keda den e pais solamente por medio di aplica pa asilo. Ciudadanonan tercer-pais cu no ta aplica pa asilo lo por keda den Hulanda te dia 2 di april, unda nan mester a bay.

E casonan a ser presenta dilanti Raad van State pasobra cortenan mas abao a suministra verediconan cu ta bay den conflicto cu otro. Segun algun set di huesnan, ciudadanonan tercer-pais tabatin derecho pa proteccion. Otronan no a bay den acuerdo.

Despues di e huicio di Raad

van Sate, e ministerio di Hustizia y Siguridad a suministra un decision pa e ciudadanonan tercer-pais ordenando nan pa sali di Hulanda. Hopi ciudadano tercer-pais a apela contra esaki. Siman pasa, e cortenan na Groningen y Haarlem a dicidi cu ciudadanonan tercer-pais por keda te ora cu tuma un decision riba nan apelacion.

E decision di diamars a ser suministra pa e corte di distrito di e Vreemdelingenkamer na Den Haag, e corte cual ta encarga di casonan relacion cu inmigracion y ciudadanonan stranhero. E corte a tende e casonan y a duna su veredicto for di Roermond, Limburg.

Raad van Sate no ta duna comentario riba e huicio di e corte na Roermond. E agencia ta tuma den consideracion cu casonan envolviendo ciudadanonan tercer-pais lo keda cune ultimamente. Si esey pasa, e casonan probablemente lo ser procesa na mesun momento. Ainda no ta conoci ki ora e audiencia lo ta y ki ora e conseho lo tuma un decision.

Ciudadanonan tercer-pais cu un permiso di residencia Ucrainiano ainda tin derecho di recepcion. Nan por keda na Hulanda te al menos maart 2025, manera Ucrainanonan.

Minister ta debilitando ley contra discriminacion den aplicacionnan pa trabao

(NLTimes)—Minister di Asunto Social y Empleo demisionario, Karien van Gennip, ta debilitando e ley pa reduci discriminacion den proceduranan di aplicacion pa trabao. E reglanan mas estricto lo aplica inicialmente pa compania cu mas di 25 empleado. El a modifica e limite pa 50 empleado. E minister ta spera cu esaki lo yuda e Senado acorda e ley ora e vota riba dje diamars.

Empleador-y agencianan di reclutacion cubri pa e ley lo tin cu documenta con nan ta maneha aplicacion di trabao pa preveni discriminacion. Tur aplicante mester ser trata den e mesun manera. Den practica, esey ta nifica cu un

aviso pa un trabao mester tin texto neutral y cu tur aplica ser puntra e mesun preguntanan, por chempel. E Inspectorado di Labor lo controla cumplimiento cu esaki.

Varios fraccion den e Senado—incluyendo VVD y ChristenUnie—ta preocupa tocante e strobacion administrativo pa negoshinan chikito pa via di e reglanan. Van Gennip a anuncia na comienso di maart cu e lo duna compania dos aña pa adapta, te cu juli 2027.

E minister a modifica su propuesta atrobe dialuna. Cu esaki, e ta spera pa tin e partidonan critico den su banda. Den e situacion nobo, 4% di empleadornan mester cumpli cu e reglanan. E ora e ley ta



aplica pa 69% di trabaonan. Segun e minister, esaki ta nifica cu ainda ta posibel pa pone un standard nobo. E ta spera pa motiva companianan chikito pa combati discrimi-

nacion den proceduranan di aplicacion pa trabao riba un basis boluntario.

E Senado lo vota riba e cambionan proponi diamars. Van

Gennip a priminti pa incorpora nan un legislacion nobo cu e lo entrega despues cu e ley ser adopta.

Brazil: Polis a presenta acusacion contra ex-presidente pa falsificacion di certificado di vacuna anticovid

(Infobae) – Polis di Brazil a presenta acusacionnan contra ex-presidente Jair Bolsonaro pa fraude di certificadonan di vacunacion contra Covid-19, segun medionan local a informa ayera diamars.

Autoridadnan ta mira cu tin sospecho di asociacion pa delinquir y uso di datonan falso den e caso cu ta investiga un red illicito den cual a participa supuestamente militar, asesornan, politiconan y dokternan pa falsifica certificadonan di vacunacion y cu supuestamente a beneficia Bolsonaro y personanan rond di dje.

Segun e investigacion, tabatin un red crea pa falsifica e certificadonan cu e obhetivo cu nan beneficiario por a evita e restriccionnan sanitario na otro paisnan durante pandemia.

Polis tambe a señala den su rapport final e teniente coronel Mauro Cid y diputado federal Gutemberg Reis, di



partido Movimento Democrático Brasileiro (MDB).

Awor ta Fiscalia esun cu ta bay analisa e conclusionnan di Polis y lo dicidi si ta bay presenta of no un keho formal na Husticia contra Bolsonaro, ken ta bao investigacion den otro procesonan, entre nan pa intento di golpi di Estado despues di eleccion di 2022, unda Luiz Inacio Lula da Silva a gana como

presidente.

Fabio Wajngarten, portavoz y un di e abogadonan di e lider ultraderechista, riba su rednan social a critica e “leakmento” di decision di Polis Federal na medionan di comunicacion.

“Ta lamentabel ora autoridadnan ta usa prensa pa comunica un actor formal cu logicamente mester tin un

fondo tecnico y procesal y no mediatico y parcial,” el a bisa.

Na mei 2023, Polis a listra e cas di Bolsonaro na Brasilia den marco di investigacionnan y a detene seis sospechoso, entre nan Mauro Cid, dos di su security guard y un militar cu tabata actua como asesor di e ex-hefe di Estado.

Den transcurso di proceso,

autoridadnan a haya “existencia di pruebanan di introduccion di datonan falso tocante vacuna contra Covid-19” den relacion na e presidente Brasileiro cu a goberna entre 2019 y 2022.

Entre e registronan oficial a yega di constata cu Bolsonaro, ken semper a critica e pandemia y a sembra dudanan riba eficacia di vacunanan, a ricibi dos dosis den un centro di cuidu ambulatorio, pero no tin pruebanan di esey.

E investigacion ta apunta cu e ex-mandatario, tabatin “conocemento pleno” di “registro di datonan falso di vacunacion,” permaneciendo indiferente pa esaki.

Na december 2022 Bolsonaro a biaha den bispo di tuma di posesion di Lula cu a celebra dia 1 di januari 2023, el a bay Merca unda tabata obligatorio presenta un certificado di vacunacion anticovid, medida cu tabata vigente te mei di 2023.

Colombia: Segun rapport di International Crisis Group, Clan del Golfo mester ta inclui den dialogo di paz total

(ElEspectador) – Un expansion creciente y alarmante, enfrentamentonan territorial na costa di Pacifico y cerca di frontera cu Venezuela, extorsion na empresario y criadornan di baca a cambio di “proteccion,” entre otro, ta muestra un estructura cu disciplina “cu ta opera cu precision di un empresa multinacional.”

Esaki ta elementonan cu NGO International Crisis Group a recoge den nan mas reciente rapport, pa loke ta trata Autodefensas Gaitanistas de Colombia (AGC of Clan del Golfo) e grupo criminal mas poderoso di e pais aki. E documento a coincide cu un proposicion haci pa presidente Gustavo Petro di plantia un formula pa e grupo aki lo uni na husticia. Ayera diamars, Clan del Golfo a contesta cu ta acepta e invitacion pa sinta na mesa y dialoga pa un proceso di paz.

E rapport denomina “Incognita de Paz Total: Que hacemos con los Gaitanistas,” e organizacion internacional ta

planta cu pa e exito di politica di paz di Ehecutivo ta crucial pa no laga afo e grupo arma aki. Ademá, a haci un studio completo di Clan del Golfo, su origen, evolucion, poder y intento di dialogo cu gobiernonan anterior.

Di acuerdo cu Crisis Group, den e zonanan unda miembronan di e clan ta domina “nan ta dicidi e bida diario y ta calcula cu nan ta haya 4.400 miyon dollar pa aña pa nan actividadnan di trafico di droga, armanan, migrantenan, y minería ilegal.”

E rapport tambe ta adverti cu e grupo no ta depende exclusivamente di un actividad illicito, sino cu nan a perfecciona nan capacidad di monetizacion cu control territorial, specialmente cerca di Costa di Atlantico, un punto di transito clave di trafico cocaina.

Dialuna ultimo Petro a bisa cu e condicion principal pa e dialogo ta cu e grupo arma, economia illicito, manera trafico di cocaina y di migrantenan na selva di Darien, “por



ta un dialogo, pero prome e organizacion aki mester comprende cu esaki no ta pa duplica e narcotrafico, sino pa caba cune.”

Riba e punto aki, e grupo a contesta den un comunicado cu nan solamente ta cobra un impuesto riba e gramnan di cocaina, “loke si nos mester resalta ta cu economia illicito ta existi den regionnan hopi prome cu nos a bira un or-

ganizacion. Nos no a crea esey, otro cos diferente ta cu lo cancela e recursonan di loke ta yama “impuesto pa gram den caso di cocaina.”

Di acuerdo cu e documento, e importancia di e grupo, tanto pa crimen como pa conflicto, ta haci cu nan participacion “lo ta esencial pa exito di paz total y na mesun tempo, ta complica esfuerzonan pa inclui nan.”

Un di e motibonan di pakico e Gaitanistas ta preocupa autoridadnan, ademá di nan expansion, ta cu nan ta pone den riesgo tur negociacion cu ta tumando luga, incluyendo e dialogonan cu guerrilla di Ehercito di Liberacion Nacional (ELN) y cu dos disidencia di FARC (Estado Mayor Central y Segunda Marquetalia).

Barbados: Segun prome minister, debe no ta fuera di control

(LoopBarbados) – Dialuna, dia 18 di maart, prome minister Mia Amor Mottley a duna apertura na su Discurso Presupuestario contestando e pregunta den tur mente: ta bay tin mas impuesto? El a bisa vehementemente cu no, pero a indica cu tin ahuste den horizonte.

“No ta bay tin impuesto nobo. Pero mi ta bisando boso di frente, y mi ta bay adverti boso cu ta bay tin ahuste durante e aña aki di algun tarifa cu nos ta bay tin mester pa e pueblo por carga, si e servicicionan cu ta depende riba e tarifanan aki mester keda cu e nivel di servicio cu pueblo di Barbados kier,”



el a bisa. Atendiendo critica di prestamnan di gobierno, Mottley, kende tambe ta minister di Finanzas

y Asunto Economico, a sigura cu e debe nacional no a alcansa “nivelnan inmanehable.” “Debe di Barbados no ta galo-

pando for di control, y e tasa di debe-pa-GDP no ta precario. E Partido Labor di Barbados aki no a aumenta e debe nacional na nivelnan inmanehable. De hecho, e debe nacional ta mas abao cu ora nos a asumi nos cargo na 2018.”

E prome minister a revela cu gobierno tin intencion pa reduci e debe nacional na 60 por ciento pa aña 2035. E cu februari 2024, e tasa di debe-pa-GDP tabata na 114.6 por ciento, un contraste fuerte cu e 178.9 por ciento ora su Partido Labor di Barbados (BLP) a asumi su cargo na 2018.

El a splica cu e pais a sufri 23 downgrade bao liderazgo di Frunedel Stuart. Sin embargo, economia a experimenta

11 kwartaal consecutivo di crecemento y ta spera di crece cu cuatro por ciento e aña aki. “Despues di años di downgrade, e economia awo ta creciendo...”

A pesar di e retonan, nos tabatin 11 kwartaal consecutivo di crecemento, y nos ta bay mira e di 12 pa fin di e luna aki,” Mottley a comenta.

Adicionalmente, desempleo a reduci na ocho por ciento.

E prome minister a indica cu e pronostico economico di e pais pa 2024 ta keda “optimista” despues di dos aña di reto. El a comparti cu e reservanan ta mas halto na \$3.2 biyon y mas di 33 siman di cobertura di importacion.

Haiti: UNICEF y consul di Guatemala ta bira victima di sakeo

(AP) — Mientras Haiti un biaha mas ta slip den caos cu otro ola di violencia di gang, un cantidad di agencia gubernamental y di ayudo a reporta ayera cu nan facilidadnan y suministro di ayudo a bira victima di sakeo.

Gangnan a violenta Haiti den simannan recién, atacando institucionnan clave y cerando e aeropuerto internacional principal. E caos a pusha cantidad di Haitiano den borde di hambruna y a laga hopi mas den condicionnan cada bes mas desespera.

Diasabra, UNICEF a bisa cu un di su containernan cu “articulonan esencial pa sobrevivencia materno, neonatal y di mucha, incluyendo resucitadornan y ekipa relaciona” a ser horta

den waf principal di Port-au-Prince, cual gangnan a invadi siman pasa.

“Hortamento di suministro cu ta esencial pa sosten pa salba bida di mucha mester caba inmediatamente, y ayudo humanitario mester keda safe,” segun Bruno Maes, representante di UNICEF na Haiti, a bisa den un declaracion.

E agencia di ayudo a bisa cu e sakeo y violencia general ademas a corta acceso di algun di esnan mas vulnerable na e pais pa suministronan basico, yegando “na un momento critico unda muchanan mester di nan mas cu nunca.”

E mesun dia, ministerio di Exterior Guatemalteco a bisa cu e oficina di su consul honorario na Haiti a keda sakea, pero no a

duna detaye di e daño of hortamento, ni a bisa ken tabata responsable.

E ministerio a bisa solamente cu “documento y documentacion di e ultimo cuatro of cinco aña a keda transferi anteriormente” na e embahada Guatemalteco pa Haiti, cual ta den e pais bisina, Republica Dominicana.

Caos no ta nada nobo pa Haiti, pero e disturbionan recién ta particularmente brutal. Violencia a laga gobierno Haitiano den un estado di confusion, y a impulsa prome minister Ariel Henry na priminti cu e ta bay renuncia, un demanda clave di e gangnan.

Merca a manda forsan militar pa reforsa seguridad na e embahada Mericano y aparentemente caba cu speculacion cu



oficialnan senior di gobierno Mericano por ta bandonando e pais.

Mientras e aeropuerto principal na Port-au-Prince ta keda cera despues di atakenan di gang, Departamento di Estado Mericano a bisa cu lo ofrece vuelonan

charter limita pa ciudadanonan Mericano for di e ciudad menos caotico di Cap-Haïtien. Pero a adverti cu ciudadanonan Mericano mester considera e vuelonan “solamente si bo ta kere cu bo por yega na aeropuerto na Cap-Haïtien di manera safe.”

Jamaica: Strea di dancehall Vybz Kartel ta gana apelacion pa condena di morto

(Reuters) – Strea di dancehall Jamaïquino, Vybz Kartel su condena pa e asesinato di un socio mas cu un decada atras a keda elimina, cu un corte na Londres emitiendo veredicto cu intentonan pa soborna e hurado na e huicio ta nifica cu e condena no tabata safe.

E musico, kene su number real ta Adidja Palmer, ta un di e artistanan mas popular di Jamaica y a colabora cu musiconan manera Jay-Z y Rihanna.

Kartel, 48, ta den prison na Jamaica desde 2011 pa e desaparicion di su socio Clive “Lizard” Williams, di ken nunca a haya su curpa.

Despues di un huicio di 64 dia na Kingston, un di e huicionan mas largo den historia di Jamaica, Kartel y tres otro a keda condena na 2014. Kartel a keda sentencia cu bida den prison cu un minimo di 35 aña, reduci despues di

apelacion na 32 aña y mey.

Luna pasa, Kartel y su co-acusadonan a montan nan ultimo apelacion final posible na e Privy Council na Londres, e corte final di apelacion pa Jamaica y otro paisnan di Commonwealth. Nan abogado a argumenta cu e hues di e huicio a mancha incorectamente e acusacionnan cu un hurado a ofrece alrededor di \$3,200 pa e otro miembronan di hurado pa duna verediconan di no-culpable.

Apelacion di e acusadonan a keda permiti diahuebs ultimo, cu hues David Lloyd-Jones bisando cu e decision di e hues den e huicio pa permiti pa e hurado en cuestion ofrece soborno pa continua den e hurado tabata “fatal pa e seguridad di e condenanan.”

E Privy Council a manda e caso back na e Corte di Apelacion na Jamaica pa dicidi si Kartel y su co-acusadonan mester ricibi un huicio di nobo.

SINDICATO DI MAESTRO DI ARUBA
ta invita tur su miembronan pa asisti na
un REUNION ANUAL
cu ta tuma lugar diaranson 27 maart 2024, cuminsando pa 5:30 'or na cede di SIMAR.

Puntonan di agenda:

1. Apertura.
2. Participacion .
3. Presentacion di relato anual 2023.
4. Eleccion di comision di caha pa aña 2024.
5. Plan di maneho 2024-2025.
6. Relato Financiero 2023.
7. Presupuesto 2024.
8. Celebracion 55 aña.
9. Smartscreen.
10. Turno liber.
11. Clausura.


 Sindicato di Maestro di Aruba

Esnan cu ta interesa den un “hardcopie” por yama oficina pa avisa cu lo pasa busca esaki. Den caso cu no tin quorum pa 17:30 or, lo cera e reunion y habri un nobo pa 18:00 or.

Na number di directiva,
Angelique Quijada, presidente.

Studentenan di Universidad di Aruba, Hospitalidad & Turismo ta presenta:
“Latin Vibes – A Culinary Affair, a 5-Course Wine Pairing Benefit Dinner”

Bou auspicio y guia di Divi & Tamarijn Aruba All Inclusive, Universidad di Aruba, Facultad di Hospitalidad y Turismo (FHT-MS) ta presenta pa di tres biaha un “Experiential Benefit Dinner” cu lo tuma lugar dia 23 di Maart 2024 proximo den e hardin espectacular di Universidad di Aruba. E grupo di studentenan den nan di dos aña di e Meetings & Events Management course lo ta preparando un evento cu tema “Latin Vibes” pa 100 persona, cu lo inclui un cena di cinco plato y su biña corespondiente acompaña cu entretenimento specifico na e plato nan. Un experiencia unico.

E evento tin dos meta: Na prome lugar, e lo ofrece



e studentenan un klas bibo, caminda cu nan lo organisa y ehecuta e evento di comienso te final, lo prepara e menu, set up, sirbi y break down bou guia di expertonan di Divi & Tamarijn Aruba All Inclusive. Na di dos lugar, e lo ta un evento pa recauda fondo pa facilita entre otro, biahenan

y actividadnan educativo pa studentenan di e facultad.

“E cena special aki tin metanan adicional cu ta habri porta pa mas colaboracion entre partnernan den e industria. Proyectonan asina ta permiti studentenan yega y surpasa nan potencial, paden

y pafu di e cuater murayanan di un klas tradicional, a traves di “experiential learning”. Ademas e ta ofrece na nan oportunidadnan cu lo tin un impacto pa bida largo.”

Nos ta invita nos comunidad di Aruba pa un anochi di cumindanan delicioso, entretenimento y combersacionnan ameno tur pa un bon causa. E evento lo ta dia 23 di Maart, 2024 di 6:00 – 10:00pm na Universidad di Aruba. Lo tin un welcome drink, entretenimento musical, y un cena di 5 plato. Ticketnan ta disponibel pa \$100 pa persona, tambe tin mesa nan di 2 persona disponibel. Companianan cu kier gradicinan staff, mihor empleadonan, y/of clientenan y regala nan esaki por tuma contacto cu estudiante Lauren Croes



via email laurencroes@hotmail.com of maestra Jo-Anne Croes via email jo-anne.croes@ua.aw.

Aruba Bank a participa den Aruba Doet 2024 hunto cu Grupo Curason Jong Paradera

Aruba Bank a colabora cu Grupo Curason Jong Paradera, un organizacion local dedica na reparti alegria y compania entre e adulto mayor. E aña aki, Grupo Curason Jong Paradera a extende un invitacion na tur boluntario pa uni nan grupo di baile pa bishita dos cas di cuida pa adulto mayor. Boluntarianan tabatin e oportunidad pa tene conversacionnan elevante, stimula e adulto mayornan pa baila, y di e manera aki sigura cu nan tabatin un dia memorabel y agradabel.

E prome stop tabata na Cas di Cuido Thuiszorg na Jaburibari, caminda tin 40 residente. Despues di esaki, boluntarianan

a bishita Cas di Cuido Marizul na Papaya, caminda tin 30 residente. Grupo Curason Jong Paradera a prepara un grupo di balaidornan talentoso cu a presenta pa e adulto mayornan, durante cu boluntarianan tabata encarga pa stimula nan pa participa den e diberticion y pone move e curpa poco!

Aruba Bank ta comprometi na cumpli cu su responsabilidad coporativo social y pa aporta na trabou comunitario di diferente manera durante henter e aña.

Un gradicimento na e empleadonan cu a forma parti di Aruba Doet 2024 y na tur boluntario cu a participa activamente den e diferente proyectonan.



19 Polis di Barrio a caba nan curso di Bariozorg cu exito



Recientemente a tuma lugar e termina e e curso “Bariozorg” cu a wordo duna na nos polisnan di bario. Ta di aña pasa e agentenan policialnan di e departamento di bario a cuminsa e curso aki cu a wordo duna door di docentenan di Academia di Polis di Hulanda.

E docentenan Sr. Frans van Driel y Sr. Frits van Dijk a keda impresiona cu e dedicacion di cada un polis. No tabata facil door cu mester a combina trabao y e curso na e mesun momento.

Altocomisario Sr. Arnhem tambe tabata presente na e

final di e curso y a duna su palabra di aprecio pa cu cada un colega.

Su vision ta pa nos polisnan sigui cursonan pa por sigui avansa y desaroya nan carera policial. Di e forma aki nos polisnan ta prepara pa por sigui brinda nos comunidad e ayudonan necesario riba nivel. Como cabez di un organizacion e base mester ta solido den e parti educativo como tambe e parti di material. Asina polisnan ta keda wordo motiva den nan trabao.

Pabien na cada un colega cu a caba e curso cu exito. Nos ta orguyoso di boso!

Banco di Caribe den movecion cu Colegio Nigel Matthew y Aruba Doet 2024

Diasabra Banco di Caribe tabata den movecion cu Aruba Doet 2024! Un team entusiasma di Banco di Caribe a participa na e accion boluntario mas grandi riba nos isla. Banco di Caribe tin hopi aña ta participa y e aña aki a duna un man na Colegio Nigel Matthew. Un team consistiendo di empleado y nan famia a pone man na obra y asina contribui na e proyecto aki. E team a verf e bañonan, drecha bakinan riba e plenchi di scol y tambe a expande e gazebo.

E compromiso di Banco di Caribe cu e comunidad Arubano ta consistente. Pa hopi aña caba diferente fundacion y organisacion na Aruba por conta cu nan sosten.

Aruba Doet un biaha mas a keda organisa pa CEDE Aruba cu sosten di Oranje Fonds. Banco di Caribe ta felicita ambos organisacion cu un exitoso evento na unda henter Aruba a biba cu e accion boluntario riba diabierna y diasabra ultimo.

Na 2021, 2.600 boluntario a participa y a registra 191 proyecto, na 2022 mas di 3.200 boluntario a duna un man na 189 proyecto na Aruba. Na 2023 casi 4.000 boluntario a contribui na 194 proyecto.

Como instancia comercial, Banco di Caribe ta haya importante pa duna un contribucion pa un miho comunidad. Riba e fotonan adhunto por mira Banco di Caribe su team di boluntario y nan famia den accion!



Koningin Wilhelmina Fonds a organisa un mainta ameno pa su clientenan

Diasabra durante e eventonan di boluntarianan na Aruba organisa pa Aruba Doet 2024, Koningin Wilhelmina Fonds Aruba tambe a participa cu un mainta ameno unda cu a pone nos clientenan den dushi ambiente di combensa y disfruta di un tayer di candle making y jewelry making.

Tambe nan por a disfruta di

un presentacion di Ruben Croes & Friends y a cera e atardi cu un bunita presentacion di Etienne Yarzagaray. ARUBA DOET ta un evento di boluntario na Aruba organisa pa CEDE ARUBA cu sosten di Oranje Fonds.

Durante e fin di siman di ARUBA DOET, comunidad ta uni forsa pa realisa varios proyecto pa mehora nos isla y fortalece nos comunidad.



Aruba Bank a aporta na celebracion di Dia di Himno y Bandera

Aruba Bank orguyosamente a patrocina varios iniciativanan pa Dia di Himno y Bandera rond di nos isla, demostrando su compromiso cu envolvimiento comunitario y cultural.

Entre e iniciativanan a patrocina tabata e Celebracion di Himno y Bandera anual organisa pa Fundacion Chico Harms. E evento e aña aki tabata uno bon bishita, cu a consisti di weganan popular, show di baile, musica tradicional di caha di orgel y un grupo folklorico.

Bishitantenan tabatin e oportunidad pa compra cuminda autentico na e cushina criollo di e evento.

Ademas, Aruba Bank a sostene e evento di Dia di Himno y Bandera den e bario di Piedra Plat door di patrocina un pop-up skatepark organisa pa House of Skate na Centro di Bario Piedra Plat.

E iniciativa aki a wordo organisa pa brinda un lugar di entretenimento sigur pa e comunidad disfruta di actividadnan di skateboard en conexion cu celebracion di Dia di Himno y Bandera.

Nos a celebra tambe cu nos clientenan den tur sucursal, door di duna tur cliente un dushi treat durante nan bishita en conexion cu e celebracion di Himno y Bandera.

Pa clausura e celebracion, nos a organisa un wega online unda tur participantenan tabata tin e chens pa selecta mas bandera di Aruba cu nan por y tabata tin e chens di por gana un gift card na balor di AWG 250.

Aruba Bank ta orguyoso di por a patrocina e iniciativanan pa Dia di Himno y Bandera.



Gang di Haiti a bay crea chaos na Madiki

Diamars madruga a drenta informe di cu tin un grupo di hende arma cu biga, piedra y boter banda di Tat Fat na Venezuelasstraat, mesora a dirigi patruyanan na e sitio.

Na yegada di e patruya no a encontra cu nada. Despues di

un rato a drenta informe di cu un grupo di hende a yega na Madiki y tin problema, mesora a dirigi patruyanan na Madiki. Na yegada di e patruya a mira hopi piedra y boter riba caminda pero no a haya ningun hende. Polis a compronde cu aki ta trata di e gang di Haitianonan a bay

na Madiki y crea caos pero despues nan a bay for di e sitio. Pero a sali un gang di Madiki pa bay tuma vengansa. Polis a bay banda di Tat Fat y a mira un grupo di Madiki core. Polis a logra gara algun di nan y a haya un cu un machete den su poder y polis a detene.



Koki ta sigui cu su mala maña di horta pero nan a gar'e y a ten'e te ora polis a yega!



Diamars mainta mientras cu trahadornan tabata descargando truck net nan a mira un hende coy un caha di Monster drink y purba hink'e den su tas pero e trahadornan balente a core su tras y a logra gar'e want'e y a avisa polis.

Na yegada di polis a bin nota

cu aki ta trata di e conosido Koki, mesora polis a detene pa ladronicia. Koki tabata balente pa horta pero ora a gar'e e tabata keha di dolor aki y aya pa lag'e bay pasobra e tin hopi dolor. Koki a tripi di menasa e trahadornan di e truck y hasta e miembronan di prensa na e sitio sin conta e cantidad di insulto cu a sali for di su boca.


Polis a duna un homber burachi un lift pa su cas

Diadomingo mainta a drenta informe di cu security di Seaport Market Place ta reporta cu tin un chauffeur burachi cla pa subi un auto pa core bay su cas y nan ta purba want'e pa evita e subi caminda y bay causa un accidente, mesora a dirigi un patruya na e sitio.

Na yegada di e patruya nan a haya e chauffeur tras di stuur y nan a papia cune y a mustre e peliger cu e lo por ta pa su mes y pa otronan. E chauffeur a compronde y a laga polis parkeer su auto y nan dun'e un lift pa cas.



Polis a para 2 auto sospechoso y a controla 8 hobennan



Diamars madruga polis tabata riba un alerta pa problema entre gangnan.

Aki a logra para 2 auto den cual nan tabata 8 hoben total y a controla nan y a revisa nan auto den cual di un di e autonan a bin haya un bate y a confisca esaki.



De Minister van Justitie en Sociale Zaken is voornemens in het openbaar aan te besteden, het door Land Aruba te financieren project:

“1^{ste} fase Renovatie en Nieuwbouw Brandweerpost Oscar te Oranjestad”.

Volgens bestek DOW nr. 02 dj. 2024.

Korte omschrijving van het werk:

- Perceel 1: Gebouw A: Verbouwing tot kantoorgebouw, leslokaal en de alarmcentrale
- Perceel 2: Gebouw B Nieuwbouw Remise en Laundry
- Perceel 3: Gebouw C Verbouwing tot Verblijf- en Recreatieruimtes
- Perceel 4: Gebouw D Verbouwing bestaande Remise

Uitvoeringstermijn: **240 werkbare werkdagen** na datum van opdrachtbrief, incl. bestellingstijd.

Het bestek is vanaf **20 maart 2024** verkrijgbaar bij DOW tegen betaling van **Afl. 750,00**. De betaling te voldoen bij de kassier van de Dienst Openbare Werken (DOW). De openbare bescheiden liggen ter inzage vanaf **20 maart 2024** te DOW bij het Secretariaat van de Directie.

Inlichtingen worden verstrekt op **27 maart 2024** om 10.00 uur v.m. te DOW. De Nota van Inlichtingen wordt vastgesteld op **03 april 2024**. De openbare aanbesteding vindt plaats op **19 april 2024** om 11.00 uur v.m. op het kantoor van de directeur van de Dienst Openbare Werken.

- De inschrijver moet bij zijn inschrijving de volgende vereisten overleggen:
1. Bewijs van inschrijving in het register van de Kamer van Koophandel van Aruba (niet ouder dan 6 maanden).
 2. Bereidheidsverklaring tot het instellen van een bankgarantie of borg.
 3. De staat van eenheidsprizen voor verrekening van meer- en minderwerken.
 4. Overige vereisten opgenomen in het bestek.

Inschrijving dient te geschieden op het bij het bestek gevoegde en gewaarmerkte inschrijvingsformulier.


Auto a pasa dal ciclista y sigui core bay

Diadomingo mainta a drenta informe di un accidente u hende herida na Camacuri, mesora a dirigi tanto polis como ambulance na e sitio.

Na yegada di e patruya a bin compronde cu na altura di Garage Cordia un auto a pasa dal e ciclista y a sigui core bay. Pero e ciclista a bisa cu e no mester ambulance auto ta e spiel di e auto a dal e y a sigui bay. Polis a cancela e ambulance.



Chauffeur a bay dal tras di auto banda di A.T.A.



Diabierna merdia a drenta informe di un accidente banda di e edificio di A.T.A., mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu un chauffeur no a regula su velocidad ni a mantene distancia a bay dal tras di auto su dilanti. Afortunadamente ningun hende a resulta herida.

Na Companashi polis a detene un persona pa bao influencia y pa destruccion

Diabierna atardi a drenta informe di cu un persona a yega tur razo y cuminsa kibra cosnan na e cas na Hubadastraat, mesora a dirigi patruyanan na e sitio.

Na yegada di e patruya a bin topa cu un persona tur razo cu tabata kibrando cosnan na e cas. Mesora polis a detene y a transporte pa warda di polis.



Polis di trafico a impedi chauffeur burachi



Diasabra atardi un polis di trafico a mira un chauffeur burachi coriendo malisimo riba caminda di Santa Cruz bayendo zuid.

Mesora a para e auto y controla e chauffeur. Ora a bay test e chauffeur esaki a surpasa e limite y a detene. E vehiculo di transporte a bin busca e chauffeur y a hib'e na warda di Santa Cruz.

Dama turista burachi a bisa cu nan a matrat'e y atrak'e



Diadomingo mainta a drenta informe di cu un dama a ser atraca y maltrata pafor di un casino na Oranjestad, mesora a dirigi un patruya na e sitio.

Na yegada di e patruya a bin logra saca afo cu e dama

turista ta hopi bebi y lo a haya problema cu un otro persona y nan a sak'e for di casino y awor ta bisa cu desconocidonan a maltrat'e y atrak'e. Polis a bay warda di Oranjestad pa asina percura pa e dama regresa unda e ta kedando.



De Minister van Algemene Zaken, Innovatie, Overheidsorganisatie, Infrastructuur en Ruimtelijke Ordening is voornemens in het openbaar aan te besteden het door Land Aruba te financieren project:

Het project: "Renovatie brug nabij Wilhelminapark."

Volgens bestek: DOW nr. 09, d.j. 2024.

Korte omschrijving van het werk:

Aanleg steenzetting en zand 'dam', droog pompen water in kanaal, verpompen en transport slib, afhakken reinigen beschadigde betonoppervlakte en wapening, behandelen wapening en blootgestelde beton, spuiten en afwerken shotcrete op behandelde oppervlakte, vervangen rolering Ø400, schilderen betonoppervlakte, verwijderen aangelegde steenzetting en zand 'dam'; opleveringsschoonmaak.

Uitvoeringstermijn: 60 werkbare dagen.

Het bestek is vanaf 20 maart 2024 verkrijgbaar bij DOW tegen betaling van Afl. 450,00. De betaling te voldoen bij de kassier van de Dienst Openbare Werken (DOW). De openbare bescheiden liggen ter inzage vanaf 20 maart 2024 te DOW bij het Secretariaat van de Directie.

Inlichtingen worden verstrekt op 26 maart 2024 om 11.00 uur v.m. te DOW. De Nota van Inlichtingen wordt vastgesteld op 03 april 2024. De openbare aanbesteding vindt plaats op 19 april 2024 om 11.00 uur v.m. op het kantoor van de directeur van de Dienst Openbare Werken.

De L.O.A. L.B. 1996 nr. 58 is op deze aanbesteding van toepassing. De directievoering is in handen van de Dienst Openbare Werken. De gestanddoeningstermijn is 90 dagen.

De inschrijver moet bij zijn inschrijving de volgende vereisten overleggen:
1. Bereidheidsverklaring van een lokale bank tot het instellen van een bankgarantie;
2. De staat van eenheidspreisen voor verrekening van meer- en minderwerken;
3. Bewijs van inschrijving in het register van de Kamer van Koophandel;
4. Overige vereisten zijn opgenomen in het bestek.

Inschrijving dient te geschieden op het bij het bestek gevoegde en gewaarmerkte inschrijvingsformulier.

Chauffeur di Ford Escape den accidente riba crusada

Diabierna atardi a drenta informe di un accidente cu hende herida na Kamay, mesora a dirigi tanto polis como ambulance na e sitio.


Na yegada di e patruya a bin

compronde cu aki ta trata di un accidente na e crusada pazuid di NG supermarket, unda e dama chauffeur di Ford Escape para na crusada no a wak e auto patras di esun cu ta bin di nort y a bira na man drechi y ora el a sali

esaki a bin dal riba dje. Debi na e impacto e Escape a bay dal na e cura di e cas pariba di e crusada. Debi na e dobel impacto e dama chauffeur a resulta herida. Na yegada di e ambulance nan a atende e dama y transporte pa hospital.



Mainta tempran e team di drugspanen a bay haci un detencion na Urataka



Diasabra mainta tempran e oficialnan di e team policial cu ta atende e asunto di bendemento di droga a presenta na un adres na Urataka pa a detene un

sospechoso cu tabata ser busca.

Acompaña pa e team di K9 nan a bay na e adres y a detene e sospechoso.

Motociclista Boneriano involvi den accidente na Meiveld

Diabierna atardi laat a drenta informe di un accidente cu hende herida na Meiveld, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda un dama na estado coriendo un Nissan Kicks saliendo for di e supermercado no a duna preferencia na e motociclista y esaki a bay dal riba e auto. Debi na e impacto tanto e



dama chauffeur na estado como e motociclista a resulta herida. Na yegada di e ambulance nan a atende ambos victima.

Persona benta patras di loteria na Palm Beach despues di pelea



Diasabra madruga a drenta informe di cu lo tin un hende benta patras di un lugar di catochi na Palm Beach, mesora a dirigi un patruya

na e sitio.

Na yegada di e patruya net net e persona a caba di lanta. Polis a papia cune y el a bisa cu e tabata

den un pelea pero no ta corda nada mas. E ta un persona di Santa Cruz, polis a conseh'e pa e tuma un bus y bay su cas mesora pa su mesun bon.

Turista preocupa cu diabierna atardi su casa no a yega hotel mas

Diasabra mainta a drenta informe di cu un turista ta haya falta di su cas for di diabierna atardi cu el a sali y no a yega hotel mas, mesora a dirigi un patruya na e hotel unda e ta hospeda.

Na yegada di e patruya a bin compronde cu aki ta trata di e casa di un turista kende for di diabierna atardi a sali y no a yega hotel mas. Polis a tuma descripcion y datos di e turista perdi y a tira bista y a busca rond. Algun ora despues polis a topa cu e turista den Koningstraat kende a bisa cu ainda e no kier bay na e



hotel y cu mas laat e lo regresa y lo busca un of otro manera di yega su hotel bek. Ni cuanto polis a roga e turista cu ta pa su me-

sun bon e no kier a bay. Como cu polis no por obliga e turista a dicidi pa lag'e eyan.



De Minister van Onderwijs en Sport is voornemens in het openbaar aan te besteden, het door Land Aruba te financieren project:

"2^e fase Nieuwbouw Mon Plaisir College HAVO-VWO".

Volgens bestek: DOW nr. 01 dj. 2024.

Korte omschrijving van het werk:

Het werk bestaat uit de volgende percelen.

- 1-Bouw 1^{ste} verdieping schoolgebouw A bestaande uit 1 berging, 5 theorielokalen, galerij, trappenhuis met berging;
- 2-Bouw 1^{ste} verdieping schoolgebouw B bestaande uit 2 theorielokalen, galerij, trappenhuis met berging;
- 3-Bouw Verbindingsbrug 1^{ste} verdieping tussen galerij gebouw A en B;
- 4-Gazebo werkzaamheden;
- 5-Aanbrengen verharding op de binnenplein en terreinen rondom de schoolgebouwen;
- 6-Aanbrengen van een gedeelte afrastering (west- en zuidkant);
- 7-Aanbrengen van een parkeerplaats.

Uitvoeringstermijn: 120 werkbare dagen na datum van aanvang.

Het bestek is vanaf **20 maart 2024** verkrijgbaar bij DOW tegen betaling van **Afl. 550,00**. De betaling te voldoen bij de kassier van de Dienst Openbare Werken (DOW). De openbare bescheiden liggen ter inzage vanaf **20 maart 2024** te DOW bij het Secretariaat van de Directie.

Inlichtingen worden verstrekt op **27 maart 2024** om 11.00 vm. te DOW. De Nota van Inlichtingen wordt vastgesteld op **03 april 2024** en is vanaf die dag verkrijgbaar bij het Secretariaat. De openbare aanbesteding vindt plaats op **19 april 2024** om 11.00 vm. op het kantoor van de Directeur van de Dienst Openbare Werken.

De inschrijver moet bij zijn inschrijving de volgende vereisten overleggen:

1. Bewijs van inschrijving in het register van de Kamer van Koophandel (niet ouder dan 6 maanden);
2. Bereidheidsverklaring van een lokale bank/ financiële instelling tot het instellen van een bankgarantie;
3. De staat van eenheidsprijzen voor verrekking van meer- en minderwerken;
4. Overige vereisten opgenomen in het bestek.

Inschrijving dient te geschieden op het bij het bestek gevoegde en gewaarmerkte inschrijvingsformulier.

Chelsea ta derota Ajax 3-0 den prome etapa di quart final di Champions League femenino



(AP) — Chelsea a derota Ajax 3-0 como bishitante den e prome etapa di e quart final di Champions League femenino ayera, pa yega mas cerca di un di dos presentacion den e ultimo cuatro team den competencia top di Europa.

den e ultimo temporada di coach Emma Hayes a cargo prome cu e tuma control di e team nacional femenino di Merca. Team di Hayes ta lider den e Super League femenino, ta den e final di e Cup di Liga Ingles, y a alcanza e quart final di FA Cup.

Delantero Ingles, Lauren James a duna apertura na e anotacion, y centrocampista Aleman, Sjoekie Nuis a agrega gol na cada banda di medio tempo pa Chelsea, cu ta intentando gana e Champions League pa prome biaha.

Ajax ta competiendo den etapa di knockout di Champions League pa prome biaha y a causa cantidad di problema pa Chelsea treman na Johan Cruyff ArenA, pa na final concede gol for di e bishitante unico dos tiro den e prome mita.

E di dos etapa ta na Stamford Bridge dia 27 di maart.

Mas laat ayera, record ocho-biaha campeon Lyon a bishita otro quart-finalista pa prome biaha, Benfica.

E club di London ta buscando un cuadruple di trofeo mayor

IOC ta exclui atleta Ruso y Belaruso di participa den ceremonia di apertura di Olimpiada na Paris



(AP) — No ta bay permiti atletanan Ruso y Belaruso participa den e parada tradicional den ceremonia di apertura di Olimpiada di Paris, segun Comité Olimpico Internacional (IOC) a bisa ayera.

E ceremonia di apertura dia 26 di juli ta bay mira miles di atleta biaha riba barco den e Riu Seine pa varios kilometer den direccion di e Toren Eiffel, na lugar di e parada normal di team dentro di un stadion.

Comité Olimpico Internacional a bisa cu atletanan di Rusia y Belarus cu ta aproba pa competi den Olimpiada como neutral ta bay tin un chens solamente pa “experimenta e evento” – probablemente observando for di cerca di e riu.

E decision di IOC ta sigui e Comité Paralimpico Internacional, cu dos siman atras a anuncia un prohibicion pa su ceremonia di apertura dia 28 di augustus.

Rusia y Belarus ta prohibi di participa den sport di team den

Olimpiada pa motibo di e guerra na Ucrania, y IOC a pone un procedura di dos stap pa aproba atletanan individual di e paisnan aki pa ricibi status neutral. E atletanan aki prome mester keda aproba pa e cuerpo gobernante pa nan sport individual, y despues pa un panel di revision nombra pa IOC.

Atletanan neutral mester no a expresa sosten publicamente pa e invasion di Ucrania, ni ta afiliá cu agencianan militar of di seguridad estatal. No ta cla si miembresia di un club deportivo militar Ruso, manera CSKA, ta bay ta un motibo pa no ricibi status neutral.

IOC a bisa ayera cu ta spera como 36 atleta neutral cu paspoort Ruso y 22 cu paspoort Belaruso pa clasifica pa Olimpiada na Paris.

Un decision si ta bay permiti e atletanan aki pa participa den e ceremonia di clausura dia 11 di augustus ta bay ser tuma “na un etapa posterior,” IOC a bisa.

Cualquier medaya gana pa atletanan neutral no ta conta como un grupo colectivo den e tabla general di medaya.

IOC tambe a revela detaye di e bandera di remplaso den color berde cu ta bay usa pa atletanan neutral na ceremonianan di medaya, unda un himno specialmente componi, sin letra, ta bay toca.

Den otro fuente di tension entre lidernan Olimpico y deporte Ruso, IOC a dicidi ayera cu e Asociacion Internacional di Boxeo (IBA) dirigi pa Umar Kremlev cu sosten di e Kremlin no ta bay ta involucra den organisa peleanan pa Olimpiada 2028 na Los Angeles.

IOC tambe a menasa di retira

boxeo for di e programa na Los Angeles den loke tabata parece un reto pa federacionnan nacional rond mundo pa distancia nan mes for di IBA y Kremlev.

IOC a retira su reconocimiento di IBA aña pasa, y no a permiti e cuerpo participa den organizacion di boxeo na e Olimpiada anterior na Tokyo ni na Paris. Pero Kremlev a fada IOC mas ainda cu comentarionan confrontacional y sosten pa e Wegá di Amistad rival programa na Rusia na september.

“Si nos no tin un cuerpo nobo di boxeo pa traha den asociacion cu IOC, nos no ta bay ta den un posicion pa tin boxeo den e programa di (Los Angeles),” e cuerpo Olimpico a bisa.

Ademas, dos atleta Ruso a cambia eligibilidad di team nacional na paisnan diferente, y a ricibi aprobacion di IOC pa esaki. Landado Anastasiia Kirpichnikova, un dobel medayista di silver Europeo den eventonan di distancia freestyle, ta eligible pa representa Francia den Olimpiada; y luchado Grego-Romano, Aleksandr Komarov por competi pa Serbia. El a gana e campeonato Europeo e aña aki.

Finalmente, IOC a elimina un suspension imponi 18 luna atras riba e cuerpo Olimpico di Guatemala pa motibo di supuesto interferencia di gobierno. IOC a cita e “interes di e atletanan” como un motibo pa provisionalmente elimina e suspension, cu lo mester habri caminda pa atletanan Guatemalteco competi na Paris cu nan bandera, himno, y number di team.

Presidente Guatemalteco, Bernardo Arevalo, a yega Suisa pa negociacion cu IOC luna pasa.



De Minister van Algemene Zaken, Innovatie, Overheidsorganisatie, Infrastructuur en Ruimtelijke Ordening is voornemens in het openbaar aan te besteden het door Land Aruba te financieren project:

Het project: “Reconstructie Brug te Julianastraat.”

Volgens bestek: DOW nr. 05, d.j. 2024.

Korte omschrijving van het werk:

Aanleg steenzetting en zand ‘dam’, droog pompen water in kanaal, verpompen en transport slib, storten betonplaat fundering, storten beton pijlers, storten beton balken en brug dek, aanleg stalen reling, schilderwerken en wegbelijning, verwijdering steenzetting en zand ‘dam’, opleveringsschoonmaak.

Uitvoeringstermijn: 80 werkbare dagen.

Het bestek is vanaf 20 maart 2024 verkrijgbaar bij DOW tegen betaling van Afl. 450,00. De betaling te voldoen bij de kassier van de Dienst Openbare Werken (DOW). De openbare bescheiden liggen ter inzage vanaf 20 maart 2024 te DOW bij het Secretariaat van de Directie.

Inlichtingen worden verstrekt op 26 maart 2024 om 10.00 uur v.m. te DOW. De Nota van Inlichtingen wordt vastgesteld op 03 april 2024. De openbare aanbesteding vindt plaats op 19 april 2024 om 11.00 uur v.m. op het kantoor van de directeur van de Dienst Openbare Werken.

De L.O.A. L.B. 1996 nr. 58 is op deze aanbesteding van toepassing. De directievoering is in handen van de Dienst Openbare Werken. De gestanddoeningstermijn is 90 dagen.

De inschrijver moet bij zijn inschrijving de volgende vereisten overleggen:
1. Bereidheidsverklaring van een lokale bank tot het instellen van een bankgarantie;
2. De staat van eenheidspreizen voor verrekking van meer- en minderwerken;
3. Bewijs van inschrijving in het register van de Kamer van Koophandel;
4. Overige vereisten zijn opgenomen in het bestek.

Inschrijving dient te geschieden op het bij het bestek gevoegde en gewaarmerkte inschrijvingsformulier.

Apertura di temporada entre Dodgers-Padres ta un regreso triunfante pa strea Koreano, Kim

(AP) — Shohei Ohtani a ricibi mas atencion mientras su Los Angeles Dodgers y e San Diego Padres ta prepara pa lansa e apertura di temporada di Major League Baseball cu e prome weganan di temporada regular na Sur Korea.

Pero e serie di dos wega cuminsando awe tambe ta un regreso triunfante pa shortstop di padres, Ha-Seong Kim, saliendo di un temporada dominante y bolbiendo e Gocceok Sky Dome.

Kim a hunga pa e Kiwoom Heroes pa shete temporada prome cu firma contract cu San Diego na 2020. El a minimisa pregunta tocante keda opaca pa Ohtani, e strea Hapones recién contrata pa e Dodgers, y a bisa cu su enfoka tabata riba yuda su team haya un comienso positivo contra rivalnan den e division.

Kim a hit .260 cu 17 homer, 60 RBI y 38 steal mientras a establece su mes ultimo temporada como un di e miho infielder di Liga Nacional den defensa. El a gana su prome Gold Glove como un utilityman, e prome biaha cu



un infielder di Asia oriental a gana e premio.

A pesar di un roster construi cu añanan di gasto pisa, e Padres a finalisa 82-20 y na di tres lugar den e NL West tras di e Dodgers y Arizona Diamondbacks, fayando e play-

offs.

Desde morto di doño controlador Peter Seidler na november, oficina frontal a intercambia outfielder strea Juan Soto na e New York Yankees y a keda sin gasta demasiado riba agentenan liber.

Ex-ace di staff, Blake Snell, e actual campeón di NL Cy Young Award, tin un acuerdo prendiente cu e rival di division, San Francisco Giants.

Kim ta parece di ta subiendo den un rol mas grandi. El a

cuminsa 98 wega na second base ultimo temporada, 29 na third, y 16 den shortstop. Manager Mike Shildt ta test e como e shortstop regular mientras ta move Xander Bogaerts na second base.

Durante un workout boluntario ayera, Kim a pasa hopi di su tempo fildeando bala for di shortstop y practicando movida double-play, generando aplausonan ocasional di su compañeronan di team despues di fildea balanan profundamente den e hole y lansando precisamente na prome.

“Bogaerts ta un hungador asina bon, pues si mi haci bon, nos kimica ta bay mehora,” Kim a bisa. “Nos ta mira otro mas cu nos famia y nos ta un grupo cercano. Nos hungadornan a traha duro, pues mi ta kere cu definitivamente nos ta bay tin un miho record cu aña pasa. Si nos sigui lucha, nos ta bay pusha nos mes mas cerca di un campeonato.”

Ainda sin extende su contract cu Real Madrid,

Toni Kroos no ta pensando mas leu cu Euro 2024 cu Alemania

(AP) — Toni Kroos no ta pensando mas leu cu e Campeonato Europeo e berano aki. E strea di Real Madrid di 34 aña di edad a sali for di retiro internacional pa yuda Alemania na su torneo na cas, pero ainda e no sa kico ta bay pasa proximo temporada.

Kroos ainda mester extende su contract cu e lider di liga Spaño, y e prospecto di caba su careda den halto na Euro 2024 ta uno cu ta atractivo pa un hungador cu ya a gana Mundial cu Alemania na 2014 y tur titulo domestico posible cu Real Madrid y Bayern Munich.

Coah Aleman, Julian Nagelsmann, a bisa siman pasa cu e tabatin hopi combersacion cu Kroos pa convence e centrocampista pa bolbe. Kroos no a hunga pa e team nacional desde e perdida di Alemania contra Inglaterra den e segundo ronda di e ultimo Campeonato Europeo. Kroos a haci joke cu e mester



a haya aprobacion di su welo pa su decision pa bolbe.

“Mi mester a convence e pasobra sin su OK nada no lo a pasa,” Kroos a bisa. “No, e ta-

bata sa con mi tabata pensa, y el a bisa cu si ta keda na dje, e ora preferiblemente otro aña cu Real, y despues un vakantie. Pero mi a bis’e cu mientras

tanto mi a dicidi pa hunga e Euro en todo caso y e ta bon, el a bestel su camiseta di Alemania.”

Regreso di Kroos mester beneficia e hungadornan rond di dje cu su supervision y wega trankil.

E forma recién di Alemania ta punta riba un team den desorden. A perde tur su ultimo weganan contra Austria y Turkia y apenas tin dos victoria contra Merca y Francia di su ultimo 10 partido. Seis di cual a termina den derota.

Nagelsmann a keda nombra sucesor di Hansi Flick, kende a haya retiro, pa instiga un rebibamento prome cu ta anfitrión di e Euro 2024, pero te awo, e no a logra restaura confiansa.

Alemania proximo ta enfrente Francia na Lyon diasabra, y despues Hulanda na Frankfurt diamars. E ta bay hunga contra Ucrania y Grecia den su ultimo partidonan di preparacion.

Kroos a reconece e resultadonan pover di Alemania, pero tabata muestra confia cu e por yuda e team recupera na tempo pa e torneo door di agrega su 106 presentacion internacional te awo.

“Ta un tiki presuntuoso awo pa bisa cu e ta bay djis ta un exito si nos gana e titulo,” Kroos a bisa. “Nos ta biniendo for di un tempo unda esey ta dificil pa formula, pero toch, y bo no por saca esey for di mi. Basicamente bo ta kere den esey, e comprension di ta capaz di ta exitoso asina.”

Sali di e etapa di grupo ta un comienso. “Sigur, mi lo kier ta participando den un of dos ronda di etapa di knockout di e torneo,” Kroos a bisa.

Alemania ta duna apertura na Euro 2024 contra Escocia na Munich dia 14 di juni, sigui pa Hungria na Stuttgart dia 19 di juni y Suisa na Frankfurt dia 23 di juni.

Departamento di Labor y Investigacion ta recorda dunador di trabou pa participa den e encuesta riba nan experiencia cu hoben riba e mercado laboral

Departamento di Labor y Investigacion (DAO) ta recorda tur dunado di trabou riba nan invitacion pa participa den e encuesta digital relaciona cu nan experiencia trahando cu hobennan riba e mercado laboral. Ta brinda un oportunidad pa participa te cu 28 di maart 2024.

DAO a inicia cu e encuesta 29 di januari 2024 y ta duna oportunidad pa participacion te cu fin di maart. E encuesta ta brinda dunador di trabou e oportunidad pa contribui informacion valioso cu por uza pa yuda durante e desarojo di un maneho laboral,

un accion cu por resulta den cambianan positivo pa e actividadnan empresario.

E obhetivo di e investigacion aki ta pa haya un bista mas amplio di e experiencia di e dunado di trabou cu e grupo di hoben disponibel riba e mercado laboral. Esaki ta encera hoben di 15 pa 24 aña di edad, y tambe e hoben adulto di 25 pa 29 aña di edad riba e mercado laboral di Aruba.

E investigacion aki ta encera e compilacion di informacion riba entre otro e proceso pa recluta y empleo di e hoben trahado for di bista di Aruba su dunadornan di trabou. E datonan aki ta contribui na

e identificacion di e areanan di nos mercado laboral cu ta rekeri intervencion di maneho laboral.

Nos ta pidi encarecidamente pa participa na e encuesta aki cu lo tuma mas o menos 15 minuut di bo tempo. Aki por encontra e linknan pa participa.

Version na Hulandes di e encuesta

<https://www.surveymonkey.com/r/SWTS2024NED>

Version na Ingles di e encuesta

<https://www.surveymonkey.com/r/SWTS2024ENG>

Participacion den e investigacion aki ta completamente boluntario. Lo publica tur



informacion y dato ricibi na forma agrega, sigurando proteccion di identidad di e dunado di trabou. Pa mas informacion tocante e encuesta, por tuma contacto cu Bureau Arbeidsmarktonderzoek, na 5237720 of por manda un email pa mandy.lacle@aruba.gov.aw of simon.brete@aruba.gov.aw.

Nos ta gradici bo pa bo tempo

y boluntad pa contribui na e investigacion importante aki. Bo empresa su participacion ta aporta grandemente na e desaroyo di e maneho laboral como tambe intervencionnan pa mehora oportunidadnan di empleo pa hobennan. Nos ta pidi bo cooperacion pa completa e encuesta prome cu 28 maart 2024.

Resultado Sorteo <i>Maart 19</i>			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
6763	9037	2673	5447
4337	7386	SUPER5	0858
3079	8802	77646	0478

MERDIA	ANOCHI
<p>Sorteo # 4214</p> <p>0613</p> <p>8206</p> <p>3331</p> <p>MULTI X</p> <p>X2</p> <p>BIG 4</p> <p>Sorteo # 4214</p> <p>6444</p> <p>MULTI X</p> <p>FP</p> <p>DFF</p> <p>Sorteo # 2270</p> <p>9510</p> <p>ZODIAC</p> <p>Sorteo # 4214</p> <p>9192</p> <p>Virgo</p> <p>LUCKY 3</p> <p>Sorteo # 1088</p> <p>583</p> <p>MULTI X</p> <p>X2</p>	<p>Sorteo # 8198</p> <p>3107</p> <p>6857</p> <p>1091</p> <p>MULTI X</p> <p>X2</p> <p>BIG 4</p> <p>Sorteo # 7242</p> <p>8184</p> <p>MULTI X</p> <p>X5</p> <p>DFF</p> <p>Sorteo # 1947</p> <p>9422</p> <p>ZODIAC</p> <p>Sorteo # 6001</p> <p>2551</p> <p>Scorpio</p> <p>LUCKY 3</p> <p>Sorteo # 931</p> <p>794</p> <p>MULTI X</p> <p>X3</p>
<p>Sorteo #</p> <p>0 x Jackpot</p> <p>0 x Match 4+</p> <p>0 x Match 4</p> <p>0 x Afl. 12,00</p>	<p>Joker Letter</p> <p>Proximo Jackpot</p> <p>130.000,-</p>
<p>Sorteo # 6420</p> <p>0 x Jackpot</p> <p>1 x Match 4</p> <p>120 x Afl. 8,00</p>	<p>02-12-20-21-26</p> <p>Proximo Jackpot</p> <p>52.000,-</p>
<p>Sorteo # 1646</p> <p>0 x Jackpot</p> <p>0 x match 4</p> <p>1 x Afl. 500,00</p> <p>35 x Afl. 50,00</p> <p>39 x Afl. 15,00</p>	<p>11-13-25-27</p> <p>Mega Ball 15</p> <p>Proximo Jackpot</p> <p>290.000,-</p>
<p>Afl. 390.000,-</p>	

Pastoral Hubenil Aruba cu Caminda di Cruz pa hubentud

Den e temporada di cuaresma aki, Pastoral Hubenil Aruba (PHA) ta organisando un Caminda di Cruz diferente pa e hobennan di pastoral parokianan y special pa nos hubentud en general y familiarnan.

E Caminda di Cruz cu tin como titulo "Ban Cana cu Hesus" ta tuma lugar den nos medio ambiente y ta pa e hobennan reflexiona riba e pa-

sion y morto di Hesus, kende a entrega su bida pa salba nos. E Caminda di Cruz ta tuma lugar diasabra dia 23 di maart. Ta topa 6:00 am na e parkinglot di e Santana di Sabana Basora, di eynan ta bay cana den e diferente areanan di naturaleza y tin un duracion di mas of menos un ora y mey.

Directiva di PHA ta pidi esnan cu ta bin participa pa yega na tempo, trece un fox (flashlight), un termo cu awa y keds comodo na pia. Nos ta warda bo!

King Classic Sudoku

		1				8	7	
8		9	7		2			5
				1	4			
3	5						8	
		8	5	1				2
		7	2				4	
	9	2			3	7	5	6
6	1						9	

Difficulty: ★★★★★

5/12



Dokter na warda

Oranjestad San Nicolas
Hospital Imsan
 7:00 pm / 10:00 pm **24 ora**

Botica na warda

Oranjestad: San Nicolas:
 Sta. Anna Aloe
 Tel. 586 8181 Tel. 584 4606
EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

Aruba Transfer Tour & Taxi C.A.
 Tel: 582 2116 / 582 2010

Taxi Adres Services (24h)
 Tel. 587 5900

A1 Taxi Services Aruba
 Tel: 587-8850
 Tel: 280-2828
 Whatsapp: 592-7024

Cas Di Cultura

Vondellaan 2 Aruba
 297-582-1010

F A D A

Campanastraat 5 Aruba
 297-583-2999
 297-583-9610

F A V I

Primavera 233 Aruba
 297-582-5051
 297-582-5222

F E P O

Engelandstraat 15 Aruba
 297-583-1016
 297-583-6607

**Fundacion Contra
 Violencia Relacional**
 Tel: 583-5400

**Fundacion Autismo
 Aruba**

Irenestraat 21 Aruba
 297-588-1179

**Fundacion Pa Nos
 Muchanan**

Cumana 2 Aruba
 297-583-4247

**Fundacion Tel Pa
 Hubentud**

Wilhelminastraat 19
 Aruba
 297-588-6138

**Koningin Wilhelmina
 Fonds**

Spinozastraat 9 Aruba
 297-582-0412

Mary Joan Foundation

Sabana Blanco 8 Aruba
 297-588-9999

Rode Kruis Aruba

Pedro Gallegostraat 14
 Tel. 297-582-2219
 Fax 588-3376

Famia Planea (SBVO)

Avenida Milio J Croes 17
 B Aruba
 297-588-9591
 www.famiaplanea.org
 famiaplanea@hotmail.com

**Stichting Fundacion
 Guia Mi**

George Madurostraat 34
 297-582-0088

Y M C A

Calbasstraat 1 Aruba
 297-582-3072

AL-ANON group

Sabana Liber #8, Noord
 (close to the hotels)
 Tel: 736-2952 or
 593-7081

**Ban Brazil, e wega di Mens Erger Je Niet
 Live ta bay cuminsa!**

Centro di Bario Brazil ta haci un yamada na tur grupo cu a duna nan ok via di Whatsapp, cu e fecha cu gruponan mester confirma nan participacion ta dia 26 di Maart 2024, for di 7:00pm te 10:00pm na Centro di Bario Brazil.

Ta 64 grupo so por participa den e campeonato pero lo reserva 10 luga por si acaso algun grupo no bin confirma nan participacion.

E fecha oficial cu e campeonato mes ta cuminsa ta dia 20 di april 7:00pm. Cuminsa traha riba boso spandock, uniform, borchi pa identifica bo grupo dia di apertura. Bin inscribi y sigura bo grupo pa bo no perde bo oportunidad pa participa, den e di 16 aniversario di Mens Erger Je Niet LIVE 2024.

Aña pasa, despues di hopi susto Fusion Girls & Boys a bira e campeon invicto, sigui pa e sub-campeon Exclusive, na di tres luga a keda Keep On Walking, na di cuater luga a keda Eagle Giants. Pa mas informacion por tuma contact cu EDDIE DANDLAU na cell 566-2208 of Whatsapp.



TA BUSCA

Los Cafeteros Restaurant ta busca
 Night Cleaner - Waiter-
 Waitress- Cook Helper- Chef
 Cook-Grill
 Yama of pasa personalmente
 TL 249
 Tel. 587 7004

217621

**Chapi y Verf
 Handiman**

Nos ta haci tur sorto di chapi y
 verf cas, edificio, school. Nos ta
 tira sushi afo
Cel. 561 1397

217622

Hiring

driver & shopper for grocery
 delivery company. Contact-
 info@groceriestogoaruba.com

217619



facebook.com/bondianoticia

Pronostico di tempo

Tempo:
 Parcialmente nubia sin
 awasero di importancia.

Temperatura maximo 32
 grado Celsius.

Temperatura minimo 26
 grado Celsius.

Indice di calor (heat index)
 den y rond di oranan di
 merdia: 33 pa 38 grado
 Celsius.

UV index: 12.

Bahada di solo: 6:50pm.
 Subida di solo: 6:43am.

Biento:
 Modera te basta fuerte for di
 direccin generalmente oost;
 Forsa 4 te 5 (20 te 39 km/ora,
 11 te 21 nudo).
 Den dia fuerte te duro den
 rafaga;
 Forsa 6 te 7 (40 te 61 km/ora,
 22 te 33 nudo).

Situacion general di tempo:
 No ta spera cambianan
 significante den e tipo di
 weer cu ta reina actualmente.
 E actual segura lo sigui
 persisti.

Mas aleu por bisa cu stof



fini di Sahara lo stroba e
 visibilidad y trece un aire di
 calidad abou. Personanan cu
 problema respiratorio mester
 tene esaki na cuenta.

**Condicion maritimo/
 estado di lama:**

Na partinan proteje di costa:
 keto, rond di 1 pia.
 Na partinan zuid: trankil te
 modera, entre 2 pa 3 pia.
 Na partinan oost te
 noordwest di costa: modera
 te localmente poco bruto cu
 olanan di 4 pa 6, localmente
 7 pia.

Aviso/ alerta:

Un aviso pa boto chikito pa
 partinan oost te noordwest
 y riba lama habri lo sigui na
 vigor te diahuebs 6am.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Dios ta amor y amor ta Dios, maske mi no ta na e mundo aki mas, tur dia lo mi ta banda di boso curazon, mi por stens di loke Señor ta haci”
Salmo 33

Cu inmenso tristeza na nos curason, nos ta participa fayecimento di nos ruman y omo stima:



Rosimbo Werleman
Cariñosamente conocí como “Ronny of Oi”
*06-05-1959 – †09-03-2024

Ex-trahado di Telefondienst

Na number di su

Mayornan:
† Margaritha y † Genaro Werleman-Everon

Rumannan:
Beto Rafini
† Fransisco Rafini
Irena y † Emiterio “Emi” Boekhoudt-Rafini
Yolanda y Miano Croes-Rafini
Esteban Rafini
Franklin y Ana Werleman-Diaz

Subrinonan:
Lisette Boekhoudt
† Emilio “Gino” Boekhoudt
Sharon Boekhoudt
Chamila Croes
Oswin Croes
Sheila Rafini y Albert
David Rafini y Anushka
Jenny Rafini
Junior Rafini
Jonathan Werleman
Alexander Werleman
Renny Werleman y Famia

Tantanen:
Remacla Everon y Famia
Sira y Eloy Dania y Famia
Tanta Nichi Everon (na Hulanda)
† Juana y Otilio Lacle y Famia

Padrino: Charles Dake
Madrino: † Maria Everon Santana

Tur sobre subrino/a, primo/a y demas famia y conocido na Aruba y Hulanda.

Bon amigo: Mito Croes y Tilo Boekhoudt
Su 2 cacho nan stima: Muñeca y Princesa

Demas famia: Werleman, Rafini, Boekhoudt, de Oliveira e Silva, Croes, Diaz, Dania, Lacle, Everon.

Nos disculpa si den nos tristeza nos por a lubida algun of otro familiar.

Acto di entierro lo tuma lugar diasabra 23 Maart 2024 na misa Santa Filomena na Paradera.

Nos defunto stima lo reposa di 9am pa 11am na misa Santa Filomena pa despues sigui pa su ultimo lugar di sosiego na Santana Catolico Pastoor Kraanwinkel Paradera.

Lamentablemente nos no por ricibi bishita di condolencia na cas despues di entierro.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Lagrima y flor por seca, pero su recuerdonan y tur loke e la hasi pa nos lo keda graba pa semper den nos mente y curason.

“Cerca Dios mi alma ta na paz. Di djE mi salbashon ta bini”
Salmo 62:1

Cu profundo tristeza den nos curason, pero agradecido na Señor pa tur locual e la haci y significa pa nos. Nos ta anuncia cu a bay sosega inesperadamente den brasa di Señor,



Oscar Francisco Wester
*11 augustus 1946 - † 16 maart 2024

Na number di su:

Casa:
Elsa Wester-Croes

Yiunan:
Maybeline y Raymond Kock-Wester y famia
Shahaira Wester y famia

Nieta y Nietonan:
Allyah Hassell
Rishair, Rixion, Ryderick Boekhoudt

Ruman:
Tico y Christina De Mei y famia

Cuña:
Yolanda y None Wernet-Croes y famia

Swanan:
Marcial Croes y famia
Marlon (Ronny) y Marlijn Croes-Kock y famia
Edwin Croes

Sobrino y sobrina, primo y primanan, ihanan, comer y compernan, amigonan, bisñanan, ex coleganan di Astec N.V.

Demas famia:
Wester- Croes- Kock- Hassell- Boekhoudt, De Mei, Ernando, Diaz, Wallé, Koolman, Wernet, Lopez, De Mey, V/der Linden, Rosel, Hernandez, Geerman, Dirksz,

Disculpa nos, si den nos tristeza, nos por a lubida un of mas number of fam di famia.

Acto di condolencia y despedida lo tuma lugar diahuebs 21 di maart 2024 na Aurora Funeral Home di 9:00 A.M. pa 11:00 A.M. y despues sigui pa Santana Catolica Pastor Kraanwinkel Paradera.

Nos ta lamenta cu despues di entierro nos no por ricibi bishita di condolencia na cas.



WWW.BONDIA.COM

*Mi no a muri.
Ta pesei mi no a bisa ayo.
Mi a djies habrie mi halanan,
y bula bai keiro.
Boso a keda atras.
No laga tristesa domina boso.
Keda uni un cu otro
pa mi alma,
Esey lo ta un alegria.
Recorda mi cu hopi amor.*



A fayece inesperadamente nos ruman, omo, primo y amigo stima:



Kenrick Tadeo Juddan
Mihor conocir como:
“Kenny”
*11-08-1962 - †14-03-2024

Na number di su:

Mayornan:
† Ovid y † Victoria Juddan

Ruman-nan:
† Maritza y † Elgin Juddan
Ahmid y Eliza Juddan-Benitez-Salas

Sobrino- y Sobrina-nan:
Luisdino, Mattias, Sarah, Jyllian

Demas famia:
Juddan, Juddan-Carer, Williams, Gonzales, Krips, Naidu, Pebbels

Empleado- y amigo-nan di Stichting Eliezer y Respaldo

Nos disculpa si den nos tristeza nos por a lubida di menciona un of otro famia y amistad.

Ta invita tur famia, amigo, bisña y conocirnan, pa asisti na e acto di despedida cual lo tuma lugar:

**Diaranson 20 di maart 2024
for di 9.00 am pa 11:00 am (mainta)**

na Ad Patres Funeral Home and Crematorium.

Acto di cremacion lo tuma lugar den seno familiar.

Nos ta lamenta cu despues di despedida nos no lo por ricibi bishita di condolencia na cas.

Na lugar di flor of krans ta prefera si por haci un donación na Stichting Eliezer cual ta deseo di Kenny. Pa esaki lo tin un box disponible.

Staff y Personal di Ad Patres Funeral Home & Crematorium ta extende nos mas profundo condolencia na famia di e fayecido.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

A great soul serves everyone all the time.
A great soul never dies. It brings us together again and again.

Cu inmenso tristeza na nos curason, pero conforme cu boluntad di dios.

Nos ta anuncia fayecimento di:



Luis Martinus Figaroa
*14-07-1950 - †17 March 2024

Na number di su

Mayornan:
† Silverio y † Francisca Figaroa

Na number di su senora:
Agnes Figaroa – Stultiens

Su yiu stima:
Maikel Figaroa y Alex de Kok

Rumannan:
† Juan Brete
Violeta “Ola” Figaroa y yiuinan
Maria “Liesje” Figaroa y Oscar Gomez y yiuinan
Emelina “Emmy” Figaroa
Carmen y Axel “Docci” Jansen y yiuinan
Teresita “Treesje” Figaroa y yiu
Edwigia “Wia” y Stanley Rosina y yiuinan
† Theodoor “Buchi” Figaroa
Benjamin “Jimmy” y † Liesje Figaroa y yiuinan
Lourdes “Luchi” Figaroa y † yiu
Irene Figaroa
† Johnny Figaroa
Mart Stultiens y Annie van Dooren

Tanta stima:
Fortunata “Nata” Wolff y yiuinan
Maria Lopez y Famia

Su iha:
Marjorie Fingal

Subrino y subrinanan, primo y primanan, amigo/a nan na Aruba y Hulanda.

Demas famia:
Figaroa, Stultiens, de Kok, Wolff, Lopez, Giel, Tromp, Kelly, Herrera, Farro, Hernandez, Ponson, Gomez, Jansen, Oduber, Rosina, Blanco, Urbina, Lacle, Pereira

Condolencia y despedida lo tuma lugar na Aurora Funeral Home, diahuebs 21 Maart 2PM – 4PM.
Cremacion lo tuma lugar despues.

Nos disculpa si den nos tristeza nos por a lubida di menciona un of otro famia y amistad.

Nos ta lamenta despues di cremacion nos no lo por ricibi bishita di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Bou alanan di Dios mi ta sigur,
“Mi refugio, mi forti, mi Dios,
den kende mi ta pone mi confiansa”
Salmo 91

Cu inmenso tristesa na nos curason, pero conforme cu boluntad di Dios,
Nos ta anuncia fayecimento di nos estimada
Mama, Ruman, Wela, Tanta, Prima, y Amiga



Federica Beatriz Fingal
*4 Juli 1951 - † 13 Maart 2024
Mihor conoci como Ica
Na edad di 72 año

Su yuinan stima:
Gislaine & Frenzie Boekhoudt-Jacobs
Rose-Anne Jacobs & Roderick Albus

Nieto/a stima:
Zoë Boekhoudt
Rodmar Albus
Zayne Boekhoudt
Roshanne Albus
Rose-Ella Albus
Rodward Albus

Mayornan:
Tata: † Gilberto Fingal
Mama: † Anita Fingal-Leest

Rumanan stima:
Filomena (Mena) y † Gerard Pourier-Fingal
Bertha y Querino Commenencia-Fingal
Maria Fingal
† Juan Fingal y Narcisa Fingal-Peña de Jesus
Jolanda (Jola) y Abraham Cornelio-Fingal
Irena y † Edison Pourier-Fingal
Magriet Fingal

Sobrino y Sobrinanan:
Gisela & Junior Erasmus-Commenencia y famia
Patrick & Milly Paskel-De Cuba y famia
Yahaira & Osrick Quandus y famia
Eveline Commenencia & Kenneth Ras y famia
Cedrick Fingal
Andre Paskel y famia
Jairzinho & Sulaika Pourier-Bareño
Elizair Pourier & Mayerly Montaña
Ashely Geerman y famia
Bryan Geerman y famia
Jolaika & Patrick Olivierre-Cornelio y famia
Rajiv Cornelio

Demas Famia:
Fingal, Boekhoudt, Jacobs, Albus, Pourier, Commenencia, Cornelio, Peña de Jesus, Erasmus, Paskel, Quandus, Ras, Bareño, Geerman, Ollivierre, Leest, Croes, Figaroa, Vivas, Feliciano, Wolf, Gomez, Ridderstaat Pers, Tromp, y demas famia na Aruba, Curaçao, y Hulanda.

Primo y Primanan na Aruba, Curacao y Hulanda

Ta invita tur amigo, bisiña y conocirnan pa asisti na acto di despedida cual lo tuma lugar na Aurora Funeral Home diaranson 20 di maart 2024 di 2.00 – 4.00 pm. Cremacion lo tuma lugar den seno familiar. Nos ta lamenta cu durante e tempo dificil aki nos no por ricibi bishita di condolencia na cas. Nos ta pidi nos disculpa si den nos tristeza nos por a lubida un of otro famia of conoci.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

El Señor es mi pastor, nada me falta;
en verdes pastos me hace descansar.
Junto a tranquilas aguas me conduce;
me infunde nuevas fuerzas.
Me guía por sendas de justicia
haciendo honor a su nombre.
Salmo 23



Carlos Augusto Martinez Marin
*28-06-1954 - †16-03-2024

Esposa:
Alba Bastidas Martinez

Hijos:
Maria Solei Martinez
Jefferson Augusto Martinez
Luz Madeline Martinez
Jhony Martinez
Gaudy Martinez

Nietos:
Valeria Martinez
Sofia Martinez
Antonella Martinez
Alejandro Terranova Martinez

Hermanos:
Luz Elena Martinez
Nubia Martinez
Aleida Martinez
Alvaro Martinez

Se invita para el acto de despedida el Jueves 21 de marzo del 2024 en Aurora Funeral Home de 7:00 a 9:00 pm.



Merca:

Trump ta puntra Corte Supremo pa descarta caso di conspiracion pa influencia eleccion di 2020

(AP)—Abogadonan pa Donald Trump a urgi e Corte Supremo Mericano diamars pa descarta un veredicto dunando e ex-presidente un carga di conspiracion pa influencia e resultadonan di eleccion di 2020, renobando nan argumento cu e ta immuun di persecucion pa actonan oficial tuma den e Cas Blanco.

Cortenan mas abao ya caba a rechasa e declaracionnan di inmunidad dos biaha, pero e abogadonan di Trump lo tin un chens nobo pa presenta nan caso dilanti e Corte Supremo ora e huesnan tende argumentonan dia 15 di april. E decision di e corte pa considera e asunto a laga un caso criminal riba pausa pendiente di e resulta di e apelacion, cual no ta haci'e claro di consehero special Jack Smith lo por pone e ex-presidente riba huicio prome cu e eleccion na november.

Den un documento entrega diamars, e abogadonan di Trump a ripiti hopi di e mesun argumento cu huesnan a descarta caba, bisando cu e presidente “no por funciona, y e presidencia mes no por retene su independencia vi-



tal, si e presidente enfrenta persecucion criminal pa actonan criminal un bes cu e sali di oficina.”

“Un rechazo di inmunidad criminal lo incapacita tur presidente den futuro cu e black mail y extorsion den oficina, y conden'e pa años di trauma na mas di opo- nentenan politico,” e abogadonan a kirbi. “E menasa di persecucion den futuro y encarcelamento lo bira un

sosten politico pa influencia e decisionnan mas sensitivo y controversial di e presidente, tumando e forsa, autoridad y decision di e presidencia.”

E equipo di Smith a bisa cu ex-presidentenan no ta disfruta di inmunidad absoluto y cu, den cualkier evento, e stapnan di cual Trump ta acusa di tuma den su esfuer- so fracaso pa keda den poder despues cu el a perde contra Joe Biden no lo conta como

actonan oficial presidencial.

Hues di distrito Tanya Chutkan, ken ta encarga di e caso aki, y un panel di tres hues di apelacion federal na Washington a acorda cu Smith, pero e caso—plania pa huicio dia 4 di maart—a ser para efectivamente pa varios luna mientras e apelacion ta sigui bula di corte pa corte.

E abogadonan di Trump tambe a conta e huesnan cu den e

evento cu nan no acepta argu- mentonan di inmunidad, nan mester manda e caso back pa Chutkan pa mas “buscamen- to di hechonan.” Un movida asina lo resulta den mas re- traso prome cu por plania e huicio.

E posicion di Trumo a ser sosteni den documentonan separa entrega diamars na e Corte Supremo, incluyendo un di 18 estado bao liderazgo Republicano.

E caso ta un di e cuatro perse- cucion criminal estatal y feder- al cu Trump ta enfrentando mientras e ta purba di tuma e Cas Blanco atrobe. E cu su abogadonan a busca pa re- trasa e casonan pa huicio, un strategia cu te awa a resulta exitoso pa e ex-presidente.

Di e cuartonan ey, solamente uno—un caso na New York den cual Trump tin carga di conexion cu pagonan pa keda keto cu mester a preveni de- claracionnan di un encuentro sexual extramatrimonial—ta na caminda pa cuminsa den e proximo lunanan. E hues den e caso ey a retrasa e huicio si- man pasa te cu al menos mey april mientras e ta buscando contesta riba un evidencia cual e abogadonan di Trump a bisa a stroba nan habilidad pa prepara nan defensa.

Reino Uni lo organisa un cumbre di lidernan Europeo dia 18 di juli

(AP)—Gran Britania lo organisa e proximo re- union di e Comunidad Politico Europeo dia 18 di juli, segun e gobierno a anuncia diamars.

Prome minister Rishi sunak lo anfitrióna lidernan for di

aproximadamente 50 pais na Blenheim Palace, un mansion di siglo 17 na Londres cu tabata e sitio di nacemento di lider Britanico Winston Churchill.

Sunak a bisa cu e reunion ta- bata “un forum importante

pa cooperacion den henter Europa riba e asunto cu ta afectando nos tur, menasando nos seguridad y prosperidad.” El a bisa cu e agenda lo inclui apoyo pa Ucrania y “stop e aumento di hende trafica y migracion ilegal.”

E reunion lo ta e di cuatro pa e Comunidad Politico Europeo, cual tabata un idea di presidente Frances Emmanuel Macron. Esaki a ser estableci na 2022 despues cu e invasion di Rusia den Ucraina a kibra e sentido di seguridad den Europa. Cumbrenan den pasado a tuma luga den e capital di Republica Checa, Praga, Moldova y Granada, Spaña.

E forum ta duna Reino Uni e chens pa participa den un reunion politica di henter



Europa a pesar di a sali for di Union Europeo na 2020. E retraso di Sunak den e nombramento di fecha pa e reunion a causa especulacion cu e ta plania pa yama pa un

eleccion den primavera of berano. E mester yama pa un voto nacional den 2024, pero a bisa cu esaki lo tuma luga probablemente den e segun- da mita di año.



Blinken ta subraya apoyo “fuerte” pa Filipinas entre conflicto cu China riba lama disputa

(AP)—**Secretario di Estado Mericano Antony Blinken a subraya e “compromiso fuerte” di Washington diamars pa yuda defende Filipinas den caso di un atake arma contra su forsanan despues cu recientemente e conflicto entre China y Filipinas den e South China Sea.**

Blinken, e oficial mas recien pa bishita e aliado di Merca, a reuni cu su ekivalente Filipino Enrique Manalo diamars prome cu reuni cu presidente Ferdinand Marcos Jr. na Manila. Presidente Joe Biden lo anfitrióna Marcos y prome minister Hapones Fumio Kishida den un cumbre na e Cas Blanco april binidero. E tres lidernan lo discuti preocupacionnan creciente tocante accionnan agresivo di China den e South China Sea y e programa nuclear di Nort Korea.

“Nos ta para cu Filipinas y nos ta para pa nos compromiso fuerte di defensa, incluyendo bao di e Trato di Defensa Mutual,” Blinken a bisa den un conferencia di prensa cu Manalo. “Nos ta comparti preocupacionnan tocante e accionnan di e Republica di China cu ta menasa nos vi-

sion comun pa un Indo-Pacifico liber y habri, incluyendo den e South China Sea y den e zona economico exclusivo di Filipinas,” Blinken a bisa. El a cita e “violacionnan repetitivo di ley internacional y e derechonan di Filipinas: cayon di awa, blokiando maniobra, y observando den secreto otro operacionnan peligroso.”

E guarda costa Chines a blokia y a usa cayon di awa contra navenan Filipino den un confrontacion dos siman pasa cu a herida un admiral Filipino y cuatro di su nabegantenan cerca di e Second Thomas Shoal. E enfrentamento di 5 di maart tambe a causa dos colision entre navenan Chines y Filipino y a pone e departamento di asunto den exterior di Manila pa haci un yamado na e vice embahador Chines pa comunica un protesta contra e accionnan di e guarda costa Chines, cual Filipinas a bisa tabata inaceptabel.

E guarda costa Chines a bisa despues cu “el a tuma medidanan di control den cuadro cu ley contra barconan Filipino cu a dreña e awanan cerca di Ren'ai Reef ilegalmente,” e nomber cu Beijing ta usa pa



Second Thomas Shoal.

E Second Thomas Shoal, cual ta ocupa pa un nave Filipino contingente pero rondona pa barconan di guarda costa Chines y otro navenan aliado, tabata e sitio di varios conflicto tenso entre barconan di guarda costa Chines y Filipino e ultimo año cu a pasa. Pero oficialnan Filipino a bisa cu e confrontacion na comienso di luna tabata particularmente peligroso pa via

di e heridanan cu e personal a haya y daño na nan nave.

Na Beijing, e vocero pa e ministerio di Asunto den Exterior Chines, Lin Jian, a rechasa e comentarionan di Blinken riba e agresion di China den e South China Sea. “Merca no ta forma parti di e asunto riba e South China Sea y no tin derecho pa interveni den asuntonan marítimo entre China y Filipinas,” Lin a bisa. “China lo

sigui tuma medidanan necesario pa defende firmemente su soberania territorial y derechonan y interes marítimo, y mantene paz y estabilidad den e South China Sea.”

Ambos Blinken a Manalo a describi cu nan aliansa ta riba “hyper-drive,” pero a reconoce cu mester haci mas. Nan a bisa cu e esfuersonan pa reuni tocante relacion di defensa no tabata contra ningun pais.

Union Europeo ta pusha cu plan pa cumpra arma pa Ucrania usando activonan Ruso

(AP)—**Union Europeo ta continua su plan pa usa e ganashinan general for di bionen di euro di activonan para di Ruso den Europa pa yuda provee arma y otro fondo pa Ucrania, un oficial a bisa diamars.**

Hefe di politica den exterior pa UE Josep Borrell a haya aprobacion pa e plan for di mayoria ministernan di e bloque e siman aki, y e ta spera cu lidernan di UE lo promove esaki na un cumbre na Bruselas cuminsando diahuebs. E movida aki ta bin como cu Ucrania su municion ta cabando, y esfuersonan di Merca pa haya fondonan nobo pa arma a keda para den Congreso.

E 27 nacion di UE ta tene rond di 200 miyon euro den activonan di banco central Ruso, mayoria di nan para na Bruselas, como represalia



pa e guerra di Moscu contra Ucrania. E bloque ta calcula cu e interes riba e placa ey por provee rond di 3 bionen euro cada año.

“E Rusonan no lo ta hopi contento. E cantidad di placa, 3 bionen pa año, no ta extraordinario, pero e no ta despreciable tampoco,” Borrell a conta reporteronan.

Un grupo chikito di paisnan miembro, notablemente Hungría, ta nenga di suministra arma pa Ucrania, pues e ganashinan aki lo ser dividi. Rond di 90% di e placa lo ser aloca den un fondo special cu hopi paisnan den UE a usa caba pa haya reembolso pa arma y municion cu nan manda. E otro 10% lo ser aloca den

e presupuesto di UE pa yuda fortalece e defensa di Ucrania. Paisnan cu ta en contra di manda arma por claim despues cu nan no ta armando e pais, Borrell a bisa.

No por usa e presupuesto pa cumpra arma, bao interpretacion actual di e tratonan di e bloque, pero e fondo special—conoci

como e European Peace Facility—no ta ser conta den e presupuesto y no mester respeta e mesun standard legal of ser aproba pa e parlamento Europeo.

E banco central europeo, of ECB, a adverti den pasado contra e confiscacion di activonan Ruso como cu esaki por socava confiansa den e moneda di euro y mercadonan UE. Pero Borrell a bisa cu no a tuma ningun activo, solamente e ganashi di interes cu e ta traha. El a agrega cu ECB a ser consulta riba e plan.

Algun lidernan di UE, incluyendo prome minister Belga Alexander de Croo, a bisa cu nan kier usa e ganashinan ey pa funda e reconstruccion di Ucrania, pero Borrell a bisa cu e ta kere cu “e miho cos pa preveni ta cu cualkier cos ser destrui” na prome luga.